

葉○五月乙未朔 御思政殿召諸將承旨等設酌謂都承旨
洪應曰予非以司憲府推舍方知為非也以先立偏心故耳終當
鞫舍方知而罪李純之承旨勿忘○諭京畿都觀察使李石亨平
安黃海江原道都巡察使韓繼美曰前此敬差官等戶籍已畢據
此分壯弱籍軍丁並考敬差官戶籍能否 以吏曹判書李克培
為忠清人羅慶尚道軍籍都巡察使○丙申義禁府鞫司憲府官
吏啓曰持平成慄聞舍方知事於金石孫石孫聞於尹遇遇聞於
仲非 傳曰并鞫仲非罷純之職以舍方知付純之○舍人權
綸將本府堂上議啓舍方知在李氏家所行則未知之初尼僧
仲非與智遠及小女同住舍方知托以剃髮為尼往來仲非家
奸智遠又奸仲非及小女仲非懼有身則曰我會奸內豎金衍
妻非一日未嘗孕胎爾勿懼衍妻乃其父同產而通之其罪尤
甚且其母使為女服以至於此請并鞫之令河城尉鄭顯祖
傳曰非奸所捕獲而鞫之律文所不載若鞫之則恐弊及萬世
且其母始使女服豈預料今日所為哉此雖情迹明白皆在赦

前不可問况是傳聞之言豈可盡信○丁酉 上謂世子曰夫
人主之道愛民節儉為本若其本危則邦乃危矣故書曰民惟
邦本本固邦寧凡目前所見之物莫非民膏汝雖小物必尋
其源以除民弊則其本安矣又人主多事忿忿雖勞莫甚逸則
不可然本性正則處處事事皆安然不動雖勞四體悉以寧矣
汝之終身所行不過此矣○平安黃海江原道都巡察使韓繼
美來復命○戊戌 傳旨刑曹還賜敬惠公主屬公奴婢五十
口○己亥 親祭文昭殿○幸慕華館前峯頭以右贊成具致
寬為左廂大將吏曹判書李克培為右廂大將閱武御慕華館
大門忠勳府進仲朔宴宰樞承旨等侍 傳于侍宴羣臣曰國
之大事在祀與戎子今享祀 先王簡閱軍旅適當令節卿等
須痛飲盡歡仍 觀射賜宴卓于議政府宗親○庚子上黨府
院君韓明澮觀妻父中樞院副使閔大生于南陽辭諭京畿觀
察使賜宴于大生家○右贊成具致寬加增輔國奉石柱江城
君任孝仁仁順府尹李埴知司諫院事鄭從韶兼司憲掌令○

辛丑 御思政殿受常參視事輪對右贊成具致寬兼成均司
成金末以謝恩詣闕引見設小酌 命末進酒問年幾何對曰
七十六 上曰加數年則八十矣予曾受業且為國師儒故特
加階卿其知之○議政府六曹以賜宴卓設宴于本府遣都承
旨洪應賚宣醞 賜之○壬寅 御思政殿受常參視事輪對
領議政鄭昌孫右贊成具致寬左參贊李承孫右參贊成奉祖
禮曹判書洪允成兵曹判書尹子雲廣城君李克堪中樞院副
使魚孝瞻韓繼禧工曹參判李延學文城君柳洙兵曹參判金
國光中樞院使尹士昕刑曹參判徐居正吏曹參議任元濬戶
曹參議安哲孫禮曹參議辛永孫入侍設酌 上謂昌孫曰予
欲每月初一日十五日朝賀令成均館儒生隨班仍講諸書何
如昌孫對曰允當但武人中都試一等者皆加資文臣課試三
次居首方加一資勸勵之方有異 上曰予固知之然前者一次
居首者加資南秀文權採等每居首加資其時文臣皆謂不可
故今不舉行耳徐居正任元濬皆能文者也然二人職高皆非

以文學致之元濬以他技居正亦自致近者無文臣褒賞之舉
即令昌孫講居正中庸仍使製述以觀之又 召哲孫問貢物
代納事對曰代納甚有弊 上曰汝以戶曹叅議而不知代納
本旨可乎設二人其一人有清室一人有米則固當聽其有情
願使之換納不許勒令之法著在大典守令不能奉行罪固當
死汝等何不申明此法使之必行而遽有是言乎今汝等自不
奉行而乃以法為非可乎昌孫又啓臣亦聞此法搔擾 上曰
領議政亦不知也非法之罪乃人之罪也今代納人等侵索於
民倍蓰收價貢物則累年不納以致國用不敷深為不可須
痛懲之人囚代納已卯庚辰年貢物而不納者于刑曹囚者凡
九十三人 命王世子進酒曰嘗以心役氣母以氣役心莊敬
日強安肆日偷又兵刑大事汝於兵則觀我閱習庶幾知之刑
則汝必不知蓋刑者死生所關不可不慎爾宜知之時讓寧大
君裋回 自廼豐溫井 上引見談話令進酒 上與昌孫論世
子學問曰大達之後將歸國事昌孫對曰 允當諸臣皆無異言

獨提曰何等 上教未知所指也又曰昌孫失對不可○夕
上御交泰殿召都承旨洪應曰予欲禪位其速辦諸事應驚駭
罔知所由俯伏不出 上嚴促之應徐曰禪授大事臣子所不
忍聞臣未敢奉命 上起握手進應曰鄭昌孫使我速去位汝
不從我命何耶應對曰今朝昌孫之言臣實未及知 上曰李
克堪知之時克堪以都鎮撫入直 台問之對曰昌孫之言如
是 上曰朝廷皆惡我故昌孫之言至此予有何顧戀而猶據
之耶○癸卯忠清全羅慶尚道軍籍都巡察使李克培辭其賫
去事目一前者敬差官等所成戶籍親審民丁壯弱定軍役并
考戶籍敬差官能否一有軍役者同居子胥弟姪及單寒無依
或為雇工或為婢夫僑居寄生者勿并抄定雖子胥弟姪已定
他軍者勿改其中貧窮不能自立者錄以率居一如甲士別侍
衛正兵等或有不分富實與否例給助丁者依受教考所耕及
奴婢多少改定給一諸邑日守書真則已曾定額醫律學及諸
驛日守則無定額今定留守府醫律學并二十人都護府以上

十五人知官以下十人諸驛日守大路二十人中路十五人小路十人餘皆定軍一守令等以閑役人稱為螺將雖縣官亦率行未便今定都節制使營三十人無軍主鎮有軍諸鎮各二十人其餘螺匠皆定軍一戶籍時隱漏人丁許人陳告五口以上者四品以下超一資三品以上加資資窮人從自願代授子胥弟姪中一人二口以下限一年復戶賤人五口以上限三年三口以上限二年二口以下限一年復戶戶首及已身不自首者全家徙邊一諸邑鄉吏及豪民等隱占軍士同居子胥弟姪役使或稱奉足公然奴使者許人陳告依上論賞鄉吏全家徙邊一守令犯罪者三品以下勿論功臣議親囚鞫輕則還任重則罷黜具由啓聞堂上官則啓聞鞫之觀察使有愆違則啓達首領官直斷一如甲士別侍衛諸色軍士作散者將差牒詐稱侍衛軍士以至仍役助丁者間或有之宜謄寫兵曹軍案憑考有如此者論罪定役一鄉校生徒醫律學日守書負鄉吏公私奴等不問役之有無定雜色軍每五十人為一牌置總牌一人每十

人置小牌一人五丁以上不給助丁四丁以下給一單戶為助
丁十五丁以上定正軍二名不給助丁一軍籍時姦吏等或隱
漏或改換名字一應姦偽事雖經赦宥依欺隱田糧例全家徙
屬江原道殘驛吏一成軍籍藏于本邑觀察使營節制使營處
置使兵曹○御交泰殿 召都承旨洪應曰五十老翁猶貪戀
大位元龍之極政事多不厭衆心朝廷輿論不以我為足鄭昌
孫之對政以此也予亦思之人心向背如彼一日萬機浩繁憂
勞聽斷彌不能堪豈不知所以自處之道耶我朝自 祖宗皆
內禪相承當時以為家法美事我今日傳世子明日傳一世兒
以為美事則於國事何於 宗廟社稷何 世宗初政 太宗猶
揔大政有人言曰政柄不可不歸于一而獲重譴昌孫此言何
以異與昌孫以名儒位首相君父之道素所講明若子棄父臣
擇君非所以訓後世之道也昌孫若爾其餘何責應對曰昨日
設酌昌孫本不飲言語亦不苟全所對必有情由願下攸司推鞠
請之反覆 不允在議政申叔舟右議政權擘左贊成黃守身

鈴川府院君尹師路等來啓臣等聞鄭昌孫所啓之言不勝駭愕請鞫情由罪之 御書答曰子因世子學中庸嘉歎世子學習日長曰學問大達之後予將授國事矣鄭昌孫忘忽不慮之間小失言勢耳非有深意叔舟等又啓以功臣大臣而聞上教如此則尤當痛心固爭又曰允當罪孰大焉且如此大事豈可以忘忽妄對乎必有情由 傳曰功臣不可罪之且於大事赦之是乃息也又 啓小則可赦如此之罪不可以功臣大臣而饒之也 傳曰子之本意不欲待功臣如此又 啓人臣無將今所言必有其情固請不已 傳曰子將商量○傳于禮曹曰每月大朝會前一日成均館寫儒生姓名於講籌呈于承政院政院探籌令三四人翌日詣闕以待子親講○日本國上松浦鹽津留松林院源重實遣人來獻土物○甲辰忠勲府堂上河東府院君鄭麟趾左議政申叔舟右議政權擘親功臣嫡長堂上官以上來啓昨日請鄭昌孫之罪 上教曰子將商量臣等以為此事甚大罪之無疑奚待商量且在側者聞 上教含默

不陳倘曰未知昌孫聞之則同侍坐者豈有不聞之理臣等又聞讓寧大君聞命爭之是則必皆聞之請并推在側者 御書
荅曰予常重念世子故因教中甫發摠心懷鄭亦重念儲副故因聞褒美率爾而對是皆至心正君臣兩得之際無所恠也雖然禪授之事古今大變無情實而失大義鄭之不賢耳故將只罷首相以全功臣其餘在側者實不及聞麟趾等將欲更請上御思政殿 命都承旨洪應台麟趾叔舟擘入內仍台李克堪問昌孫所對之辭克堪啓昌孫聞此 上教對曰允當臣亦聞之未及爭之又命宦官李得守往具致寬第問之致寬曰臣但聞昌孫 上教允當之對未詳所對為何事也 上謂麟趾等曰昌孫所言實是妄對雖使天地鬼神索之情實不可得也然此片言之失所係甚大亂臣賊子猶可接踵而起此鄭之大失也遂 命罷昌孫職傳曰予過於愛子極稱譽之乃作昌孫罪惡○司諫院司憲府啓古云民生於三事之如一鄭昌孫之言非所言於君父之前只罷職事於罪為輕傳曰汝等知

其罪乎又啓以御書觀之可知安有臣子而發如此言乎臣等聞之不勝痛心傳曰大臣之事非汝等所知○夕鄭昌孫上書留中不下○乙巳忠勲府堂上鄭麟趾等上疏曰臣等本月初八日上語及傳政之事鄭昌孫對曰允當臣等聞之不勝駭愕請問情由未蒙俞允深切痛悶敢冒昧仰瀆天聰臣等竊惟君臣與父子一也在家為孝在國為忠固所自盡者也安有父欲棄家而子肯從者乎此愚孩小兒所共知也有臣子之心者固當驚駭激切以死力爭是不待計較而自不能已也對曰允當者有何意也既謂允當則安有無其心而有是對乎言出於心源其對則其心謂何臣等請之不已者以是也上猶欲以功臣大臣而償之只罷其職若他失則以功掩之可矣此等事實關君臣大義功臣大臣者所宜力爭昌孫非惟不爭纔聞有教輒謂允當功臣大臣之義安在其餘在側者亦各有心固宜爭先固爭一聞昌孫之言靡然舍默略無一語君臣之義固若是乎伏望 陛下決剛斷命鞠情由明正其罪 宗

社章甚疏上 御書疏中傳政之事之旁曰非今日傳政之語書以功掩之之旁曰功臣何所報書其餘在側者之旁曰無在側者但具致寬在側而曰不可麟趾等更啓 御書非今日傳政之語臣等以為今日非今日無以異也 御書功臣何所報臣等以為若他事則以功臣而勿論可矣此則實關君臣大義不可以功臣而恕之請明正其罪 傳曰別無可問情實既已罷職復何加罪麟趾等更請數四 傳曰昨日罷職時予既盡言之予不復言麟趾等又啓 御書無在側者但具致寬在側而曰不可臣等以為昨日李克堪啓臣亦聞之未及對是則非無在側人也請并鞫之 傳曰克堪雖與聞固無進言之隙○臺諫上交章曰臣等請明正鄭昌孫之罪仰瀆宸嚴未蒙俞允不勝憤激之至臣等竊惟傳曰民生於三事之如一惟其在則致死焉此天下古今不易之常道也今昌孫既參勳盟之列又為百寮之長其待遇殊恩豈平生所能報也是宜但知有 殿下而無貳其心竭盡忠誠粉身圖報也聞 殿下因褒義世子

而曰將授國事遽然對曰是是雖無知之人不忍出諸口也昌
孫其曰不知君臣之大義乎其心豈無呀懷而發此言乎我
太宗改封儲副欲早定大位將禪于世宗當時朝廷大臣以為
不可尚且力諫以當平常無事時其可乎哉昌孫此言必有情
由伏願殿下合智於衆因心於人俯順輿意命下使司鞫問
情由明正其罪宗社幸甚御書疏尾曰言雖正事甚乖
已罷職無改舉臺諫又請之傳曰勿復言○元良哈中樞柳
尚同介等來獻土物○丙午臺諫來啓鄭昌孫只罷職事甚輕
請加罪且其時在側大臣豈無及聞者而一不敢言請并鞫之
傳曰不可加罪且無在側者忠勳府堂上又啓臣等累日陳
請至為煩瀆上亦厭聽然更思之鄭昌孫之罪不止罷職而
已故今又敢請傳曰若然則收告身配外方復啓上欲全
昌孫性命不敢更請請削功臣籍又并鞫在側者御書答曰
側聞者具致寬李克堪致寬則已曰不可克堪則予即召而
語其非何暇劾焉遂傳曰功過各異何以削籍臺諫又啓臣

等聞配外方不勝以抃但不究情由以暴其罪故人不能悉知
請須鞫問削功臣籍 不允○御書傳旨義禁府曰前者憲府
官吏誣陷大臣家門故鞫之然事出於摧邪立正矯枉過正耳
別無情由特赦勿問又 傳旨吏曹令復職○傳曰四部學堂
儒生必須廩給然後可乎今諸司官吏奔走不遑而或有未食者
彼儒生等不事官事有志于學者何必食之然後可以為學乎
其議廩給與否以啓承旨李文烜盧思慎啓養育人材國家常
典且學堂廩給之法著在經國大典今而廢之於國體何如○
丁未忠勳府堂上鈴川府院君尹師路南原府院君黃守身密
山君朴仲孫等啓鄭昌孫之罪所係匪輕請削功臣籍傳曰
昌孫之言非論今日之事且因戲而發不可削籍又啓 上教
雖出於戲臣子安敢以戲對昔者李原安崇善之罪視此為輕
而猶削功臣籍 不允○司諫院啓舍方知以男子而衣女服
出入寡婦之家必有其情請鞫問科罪傳曰赦前事不可問
○掌令李文煥啓本府官吏以舍方知事見囚故臣等以為畢

劾之後將舍方知別有處置今猶置之不問彼衣女服以紊男女若不加罪請送諸外方 傳曰既以赦前釋之何必置之外

方文煥與承旨李繼孫議欲更請恐忤 上旨囁嚅不陳○先

是甲山郡事鄭希文以不能禦敵伏誅其子及妾苻叱德興屍到洪原縣宿于院縣監金彭壽使人要於路竊其妾希文之子訴于司憲府拿苻叱德及彭壽鞫之至是請坐罪 傳曰苻叱

德通書而彭壽應之為可罪耳然彭壽有武才子甚重之苻叱

德本女妓行宜如是且事在赦前其勿論承政院復啓彭壽與

希文一時守令也苻叱德新服夫喪失柩而行彭壽竊之肆其

淫慾士風不美請科罪痛懲○戊申忠勳府堂上又請削鄭昌

孫功臣籍 不允○正言李吉甫將本院議啓昨日請鞫舍方

知 傳曰赦前不可問臣等以為赦後猶在其家不可以赦前

勿論 傳曰所謂猶在其家者何家吉甫啓金龜石妻李氏家也

御交泰殿召見都承旨洪應及吉甫問吉甫曰舍方知所犯

汝悉知之乎吉甫啓彼以男而出入寡婦之家其所犯明白

上謂洪應曰凡為諫官者徒以敢諫為賢不知大義甚不可也
茲者鄭昌孫之事大臣言官反覆煩請予固赦之今舍方知事
予既與大臣議之其不可更鞫者有三似男子而實為未成之人一
也非奸所捕獲二也事在赦前三也反覆曉諭者已久今瑣瑣
小臣不通是非不識大體徒以敢言為是亟請不已予所不取
其囚吉甫于義禁府令鞫之舍方知與龜石妻同止一處整不
相離至於出入亦常帶行其醜聲播聞非一朝然龜石妻中樞
李純之女其子則河東府院君鄭麟趾女婿也○己酉 御思
政殿讓寧大君禔孝寧大君補臨瀛大君璆左議政申叔舟右
議政權擘右贊成具致寬密山君朴仲孫戶曹判書曹錫文兵
曹判書尹子雲及承旨等八人侍 命名成均生負孫比長等
五人令叔舟傳曰汝等在學宮雖讀經書不知朝廷禮制遂為
腐儒今召汝等赦徒欲講經書使習朝儀耳仍設酌令擊
傳于儒生等曰將君我而與我齒讓汝等知此言乎對曰未知
召王世子進酒仍行酒于宗親宰樞賜儒生等 御膳麥

飯傳曰儒者多志高而不遜汝等若或臨民則須降志而勿
驕今賜爾以麥飯汝等知之乎皆對曰唯遂進五人于前各
講所讀書令王世子進御榻上聽儒生等講論因傳曰前
日鄭昌孫以論世子事被罪昌孫以妄對之予以實罪之昔不
能保全功臣莫如漢高也予欲終始一心無若漢高之為也今
昌孫別無他心但失其言耳然其事甚重故勉循羣情付屢於
外卿等猶以為輕更欲削奪功臣予意謂以言說為政民無所
措手足矣且功臣遽以一言之失見削者多漸不可長若以大
事言之周公誅管蔡舜封象惟其正而已叔舟對曰昌孫之罪至
重臣等請削功臣籍恕瀆天聰未敢更請○庚戌江原黃海道
都巡察使韓繼美辭○知中樞院事金聽率輟朝一日謚僖靖
小心畏忌僖恭已鮮言靖○辛亥御思政殿受常參視事輪對
上慮文學之士不如古命都承旨洪應擇文士有學術者以
啓應以判內資寺事李坡司憲掌令李永垠世子弼善金壽寧
議政府檢詳朴捷成均直講李克墩前都事孫舜孝吏曹佐郎

魚世謙鄭蘭宗閔粹前佐郎鄭孝常成均注簿崔漢良李壽男
金宗蓮咸古道都事許琮刑曹佐郎李孟賢世子侍直朴時衡訓
鍊注簿崔敬止成均博士朴始亨承文院著作金宗直正字柳
文通藝文待教許譔成均學正李淑文漢城叅軍魚世恭等以
啓遂命以坡等兼藝文館職每朔望朝會後親講經書又月
再賦詩然兼藝文之人各拘本職未能專心致志○甲寅以申
叔舟為領議政權擘左議政韓明澮右議政鄭從韶兼司憲掌
令○日本國肥前州上松浦丹後太守源盛遣人來獻土物倭
護軍六郎洒文亦來獻土物○乙卯知中樞院事金淳卒輟朝一
日賻米豆并三十石紙一百卷及油茆棺槨等物謚僖憲小心畏
忌僖博聞多能憲○兵曹判書尹子雲以祖母大祥往京畿豐德
郡命承政院馳書于京畿觀察使備給奠物○傳旨禮曹曰
每朝賀日儒生講經分數置簿於館漢城鄉試初場并計給分
○丙辰御思政殿受常叅視事輪對左議政權擘右議政韓
明會工曹判書沈決刑曹判書朴元亨等入侍設酌命決進

酒謂孽明滄等曰王者無私固不可以殊恩待之然故舊安有如此二人者乎與孽議作成文士之方遂以承政院所揀文臣示之孽削其可去者以啓 召王世子進酒入侍諸臣皆下殿召孽進御榻議儒釋老子之道孽對曰臣不會老子之道但學人臣處己之道曰知止不殆知足不辱如斯而已 上論知止知足之義曰是老子欲使子不用兵耳孽對曰臣之所啓但言人臣處己之道非如上教 上又召元亨於前孽啓元亨久任刑曹請須遞職 上曰不可非元亨不能治此官仍 命元亨曰汝須多活人孽曰元亨久於刑官欲不結怨于人凡為盜者若無賊則悉皆放之以此盜賊不懼害及平民孽因啓舍方知須當鞫情科罪 上曰何也孽對曰以男子出入寡婦之家罪固可治 上曰然則以舍方知為奸李純之之女乎對曰然彼衣女服在其家幾十年其為相奸明甚 上曰此事關係大臣家門而無形迹可據故予不鞫之且純之自有處置孽對曰臣素知純之為人必無所處置 上曰然則予之鞫諫院官吏者非

乎孽對曰諫院官吏不能悉知其故妄自啓請信有罪矣然諫
官者以言為責故凡有所聞必欲敢諫是皆不得已耳殿下
如其善言則嘉納之如其不善則固當置而勿論不必治其罪
也○上即召都承旨洪應釋諫院官吏仍命孽進酒先是
令宰樞徙奴婢于黃海江原平安道耕墾陳地至是傳旨司
憲府曰劾諸宰樞不墾田者以啓○元良哈上護軍好心波等
來獻土物○丁巳司憲府啓黃守身以當國大臣請于平澤縣
監預占官奴道者未受賜而役之於家又使官奴婢耕牙山菜
田而收其利又以遠接使親到平山府請除尹山之役專屬家
事殊無大臣正大之體請上裁施行道者未還定本役尹山充
軍牙山菜田所出令戶曹區處從之命守身勿論○戊午奏
聞使趙得仁通事賈隨見事目來啓曰趙得仁在會同館得病
而死書狀官辛義卿呈批文于禮部轉奏一應斂殯諸事曲盡
布置至十一日賜祭祭文曰皇帝遣禮部郎中李和賜祭于朝
鮮國陪臣僉知中樞院事趙得仁曰維爾國王尊事朝廷朝聘

以時簡爾將命跋涉遠途已至京師胡疾是嬰還捐館舍計聞
嗟悼念爾勤誠特令有司棺斂致祭靈如不昧尚克欽承○傳
旨刑曹曰自今承傳囚禁人如有病劇或杖傷不得已保放者
適值齋戒不得啓聞則不知罪名及死罪外先放後啓○以無
乙界住兀良哈上護軍好心波為本處都萬戶副萬戶余弄哈
萬戶司正浦兒哈副司直○己未 御慶會樓下設酌內宗親
及讓寧大君禔孝寧大君補領議政申叔舟右議政韓明澮雲
城府院君朴從愚右贊成具致寬領中樞院事沈澮工曹判書
沈泮中樞院使尹士昫廣城君李克堪入直諸將兵曹堂上承
旨等入侍 命名前日所選文臣李坡金壽寧李孟賢崔敬止
朴始亨金宗直柳文通等講中庸又引見野人柳尚同介等五
人○以金慶義知中樞院事韓繼禧中樞院副使○傳旨曰肅
拜啓劄外大小公事承旨親授承傳宦官官稟旨親傳於承
旨○庚申 御慶會樓下水閣設酌讓寧大君禔孝寧大君補
內宗親及領議政申叔舟右贊成具致寬禮曹判書洪允成兵

曹叅判金國光承旨等入侍 命名昨日進講文臣金壽寧李
孟賢崔敬止朴始亨金宗直柳文通等講書 命各加一資
御札出題令壽寧等製之曰守令逾期三年與六年利害何如
每邑皆置佐貳官何如軍數何如而多馬牛何如而蕃○辛酉
諭咸吉道觀察使康孝文曰今見卿啓本具悉卿措置得宜汝
羅豆前者來朝時言酋長人有欲朝見者今欲或率酋長來朝
或率子來朝或獨遣其子則皆許之其隨從母過三四人上送
○戶曹啓守信恤養田或嫡他民成丁嫁夫後潛隱收租者父
母沒後不遞受因仍收租者間或有之經國大典科田遞受條
節該祖父母父母及夫沒則其科田子婿孫及妻喪畢翌年內
告戶曹戶曹考田關爵牒遞給若不及限告官潛隱收租者計
年追徵其田屬公無後無妻身死者田受守信田後適他者妻
父母田適受後棄妻者許族親告官屬公不告者論罪然無識
之徒畏其追徵論罪不告則如今改正田案時檢舉為難請姑
勿追徵論罪定限許告其應受守信恤養田者京中則告戶曹

外方則守令考真偽傳報如有不告者許人陳告依大典論罪以
其田給告者其未堪受田者追徵米豆論賞從之○壬戌御
思政殿受常恭視事上謂都承旨洪應曰今奏聞使聞見事
目野人等入中朝買水牛角及火砲所入等物事覺被劾以此
觀之我國亦不得買水牛角于上國必矣凡造弓之用須多畜
牛馬乃可禁用牛馬皮可乎切於民用故盜牛馬者亦多不可
不禁右承旨金謙光對曰禁之為便應對曰如有自死牛馬則
勿用其皮乎如禁之則代用何皮臣意謂自死者既不可棄又
無代用之物不如仍舊○日本國肥前州上松浦佐志源次郎
遣人來獻土物○癸亥前知中樞府事李崇之率輟朝一日賻
米豆並二十石紙一百卷油花棺槨謚曰夸厲華言無實夸暴
慢無親厲○傳曰自今西班上護軍大護軍護軍每日十人輪
對前此諸司輪次入對至是以受西班牙職者無衙門無緣入對
故有是命自後內禁衛軍士等亦許輪對不視事之日則承
政院書所對之言以啓○六月甲子朔御忠順堂講成均生

貢陸順行等五人書領議政申叔舟左議政權擘右議政韓明
澮右贊成具致寬左叅贊李承孫刑曹判書朴元亨兵曹叅判
金國光中樞院副使韓繼禧承旨等侍講 命宰樞等議諸邑
軍丁逃移他邑者禁防之法○丙寅 御思政殿受常叅視事召
右贊成具致寬兵曹判書尹子雲都承旨洪應等議六畜孽息
等事致寬等議作條件一京中大戶畜猪十五口牛七頭馬五匹
中戶猪十口牛五頭馬四匹小戶猪五口牛三頭馬二匹以上
者復戶一外方猪數與京中同大戶畜牛十頭馬八匹中戶牛
七頭馬六匹小戶牛四頭馬三匹以上者復戶一宗親宰樞及
世家子弟雖畜此數勿復戶不畜者限來正月論罪一京中漢
城府外方觀察使每歲抄各其名下錄畜牧數以啓○承政院
奉旨馳書于諸道觀察使曰道內諸邑軍器弓矢甲冑槍劍精
造與否及其數軍器點火與否辛巳壬午兩年兼監牧守令牛
馬孽息數詳錄以聞○丁卯 命右贊成具致寬往慕華館習
陣 遣左副承旨尹欽賚宣醞賜之○兵曹啓諸色軍士服闋

者並更試才唯破敵衛壯勇隊不改試請自今依防牌攝六十
近仗終制改取才例兩手各持五十斤之物能行八十步者還
仕本衛其中願擊弓百斤或百八十步一矢者許令並試 從
之○戊辰 御思政殿內宗親及領議政申叔舟左議政權肇
右議政韓明澮刑曹判書朴元亨兵曹判書尹子雲參判金國
光入直諸將承旨等入侍設酌 上與叔舟肇明澮等議畜養
雞豚遂 傳旨戶曹曰雞豚狗彘之畜無失其時七十者可以食
肉此王政之所先我國土風不事畜養或有賓祭之需尚且未
瞻自今京外大小家咸畜雞豚京中漢城府五部外方觀察使
守令常加考察每歲抄具數啓達其中孽息最多者論賞其不用
之者論罰官吏亦憑考賞罰○庚午 御康寧殿設宴王世子
及內宗親左議政權肇右議政韓明澮雲城府院君朴從愚刑
曹判書朴元亨兵曹判書尹子雲工曹判書沈洪中樞院使崔
恒尹士昕行上護軍金末密山君朴仲孫中樞院副使魚孝瞻韓
繼禧廣城君李克堪承旨等入侍召護軍尹弼商直講李克墩

亦令入侍 命未講論經書即以未判中樞院事李邊行僉知
中樞院事○辛未 御忠順堂召內宗親及中官族親右叅贊
成奉祖中樞院使尹士昕工曹叅判李延孫行上護軍洪元用
左副承旨尹欽等設酌 賜奉祖婢一口○壬申兵曹啓兵器
軍國先務須令諸邑分定造作以為歲用庶合備戎之策請自
今每年留守府牧大都護府勿論鄉唐牛角弓鹿角弓木弓一
十張磨箭四部皮絲絃中四十箇都護府知官弓五張箭三部絃
三十箇縣官弓二張箭二部絃二十箇每歲抄觀察使摠數以
啓納軍器監兩畏則勿令上納各其邑錄會計藏之 從之○癸
酉 上問勸獎文臣之術都承旨洪應對曰擇文臣授閑官兼
帶藝文更日直宿相與討論講習 上曰承旨言甚當其速授
閑官乃以李坡為藝文直提學鄭蘭宗守吏曹佐郎李孟賢行
成均注簿金宗蓮成均注簿魚世恭承文院副校理金宗直行
承文院博士並兼藝文奉教柳文通行承文院正字兼藝文檢
閱是政鄭永通為司憲掌令宋春琳兼掌令金順命司諫院正

言○諭諸道觀察使對妻僧人還俗之法既立而守令暫不致
意因循久弊祇但染汚僧家因此軍籍日減祇細故也亦是觀
察使不察先務之致所卿宜更加考察悉刷以啓○傳旨吏曹
曰四部教授官令除他務以專教訓不得已任他務則具由以
啓江原黃海道守令雖有秩滿者限軍案成籍勿違差○諭江
原黃海平安道都巡察使韓繼美曰前者徙居人分五運限丙
戌年徙之然至五年未畢徙居則事甚稽緩今欲分二運壬午
年徙八百十八戶癸未年八百十七戶慮恐供給諸事不瞻卿
酌量事宜可徙之數磨勘啓達○禮曹啓在先科舉時只用禮
部韻請自今兼用洪武正韻譯科並試童子習從之○甲戌
以故軍器判官崔道一女為世子昭訓○上慮犴獄漏濕致有
疾厲命承政院摘察○兵曹啓舊例五衛軍士各從其衛之色
皆帖章標近因廢弛諸衛軍士區別為難請自今凡行幸及
大小講武依舊例軍士皆帖章標各書衛部職姓名以便檢舉從
之○乙亥京畿分臺掌令李永垠以誤鞫罪人馳書請待罪

傳曰可改差○丙子奏聞使趙得仁書狀官辛義卿賫進鷹
回賜表裏來復命○諭諸道觀察使曰曾令才人未尺不置諸
里不得聚居觀察使守令不能奉法亦致聚居一處相與作賊
可速分置具由以啓○日本國對馬州太守宗成職遣人來獻
土物倭護軍三浦郎大郎亦來獻土物○丁丑司憲府啓金浦
人檢護軍崔富奸其妻弟之妻因以為妻請收告身全家徙平
安道江界府 從之○日本國薩州伊集院寓鎮偶州藤熙父
遣人來獻土物○禮曹啓司譯院祿官遞兒職相遞故前此無
褒貶然漢學蒙學女真倭學等並於本院仍品除授受職後稱
病不仕者比比有之請自今依三醫司例并前銜褒貶 從之
○戊寅 御華韓堂設酌內宗親及右議政韓明澮右贊成具
致寬刑曹判書朴元亨判中樞院事金末中樞院事崔恒兵曹
判書尹子雲中樞院副使韓繼禧承旨等入侍講成均生負金
克紹等五人經書 上虞軍器未精議于宰樞等分遣監鍊官
于諸道○己卯獲白鹿于西山○庚辰初僧信云歐傷人或以

歐打或以謀殺議律

上皆不允經年未決義禁府乃以謀

按律上曰子欲斬首謀劉亡龍其餘皆減死金永前收告身發

配外方其示議政府○兵曹啓諸處警守內幽僻山谷處則五

真正兵直宿其餘閭巷警守八十七所皆以坊里人直宿率多

老弱雖遇盜賊不能追捕恐怖退縮或反見害因此盜賊興行

其弊不小請自今閭巷警守除八直巡綽外以出番甲士別侍

衛平虜衛破敵衛別軍勿論騎步每一警守分定二人三日輪

次帶領坊里人直宿有能捕盜者依大典捕盜條內自願受到

者例給到從之○辛巳舍人朴捷將本府堂上議啓劉亡龍

罪雖至重愚惑莫甚宜從寬免死餘皆遠減傳曰明日承旨

親啓予將處決○壬午御思政殿受常參命二品以上入侍

同副承旨李繼孫將劉亡龍等事以啓上曰亡龍初不知信

云詐傳諭書而歐傷則是歐承傳人也蔑其君上甚矣豈可以

愚惑而不治予雖未減在下則宜論重典今政府之議大不可

其議諸入侍宰樞僉曰上教允當○兵曹啓前此諸道沿海

諸邑皆合屬主鎮獨於下三道置獨鎮有違軍國大體請下三道
道沁海諸邑隨其遠近合屬主鎮守令職銜依舊稱號沁邊所
居軍士各於所在防禦他道沁海諸邑軍士亦依此例從之
○甲申大雨驟下 命宣傳官內禁衛等分往審都城內及四
大門外傾危家舍及水邊墊沒家舍○崇仁門外有一女震死遣
官致祭解恠○平安道价川境上分端灘邊烏的巖自移寧邊
境六十二尺許降香祝行解恠祭○乙酉下教曰刑獄重事一
或偏繫見枉必多至於治盜尤為難處或因宿嫌誣引為盜者
或指為真盜而實賊不現者或賊物雖現而色樣相似有可疑
者且今盜牛馬為首者權用重典則其辨首從不可不慎也京
外官吏用法深刻務欲速成不問正賊有無例皆拷訊言端雖
不一以賊物相同為辭賊物雖不同以被盜者文案為證援引
傳會羅織成辭至於枉法亂杖捽髮批蹴使愚者誣服以致無
辜墮命姦者幸免是豈司獄者平反之道耶其令治獄官吏將
上項可疑事件精白虛心本之仁恕行之明允要期得情毋殺

不辜敢有似前違法濫刑誣陷無罪者當治罪不饒惟爾刑曹
體予至懷曉諭中外○兵曹啓諸色軍士內彎弓百二十斤者
騎兵則稱控絃衛步兵則稱彎強隊平時各屬本衛行幸時依
獅子衛射隊例 扈駕其中開散人彎強弓中格者從自願
屬別侍衛破敵衛欲入內禁衛甲士者亦聽 從之○丁亥以
諄為資信大夫行蓬山副令諫為資信大夫行安昌副令諄
皆讓寧大君禔庶子也以禔病苦故特命超資以悅其心 命
判內侍府事田昫賚諄諫告身及 宣醞往賜其第且曰子慮大
君之疾加爵二子大君勿念二子全付於我禔感泣遣子咸陽
君諄率諄諫謝恩 上御思政殿引見因召入直都鎮撫及中
樞院副使韓繼禧設酌講宣傳官等書○庚寅遣同知中樞院
事盧叔全中樞院副使洪益生奉表如大明謝賜綵段表曰天
心字小曲加撫綏海甸添恩深感激驚惶罔措糜粉難忘伏
念臣猥將謏材端逢聖代祇受侯度顧之毫毛之勞特荷聖慈
濫承筐篚之錫洪私若茲前昔所稀茲蓋伏遇皇帝陛下家四

海而同仁利萬物而並育遂令遐裔獲紆寵光臣謹當恪守青
丘益殫漢蕃之職顛望紫極恒輸華祝之誠方物表曰天貺沓臻
祇增感激土宜雖薄聊申謝儀謹備黃細苧布二十匹白細苧布
二十匹黑細麻布二十匹黃花席二十張滿花席一十五張雜彩花
席一十五張右件物等製造匪精名般不腆豈合旅庭之實庸效
獻芹之誠聖烈慈壽皇太后禮物紅細苧布一十匹白細苧布一
十匹黑細麻布一十匹雜彩花席一十張中宮禮物同箋曰望隆
儲貳密贊皇猷仁篤懷綏導宣睿澤銘佩曷已麋粉難酬伏念
臣猥以孱資邀慶遐裔欣逢聖代惟知執壤之勤曲荷洪私獲
紆在笥之錫撫躬自慶舉國騰歡茲益伏遇皇太子殿下德備
溫文性稟英偉功益著於翎亮心常切於順承遂令啟封得露
殊渥臣謹當永作藩於鯨域恒申祝於龍樓禮物白細苧布二
十匹黑細麻布二十匹滿花席一十張雜彩花席一十張○傳旨
吏曹給還趙瑾告身○日本國西海路宗像朝臣氏卿對馬州
太守宗成職各遣人來獻土物○辛卯 傳旨吏曹曰人情久

期未有不變始勤終怠勢使然也自今守令以三十朔為適期
○兵曹啓忠州船軍金玉京詐稱內禮萬戶潛著冠帶橫行州
郡請令攸司鞫之 命下義禁府○兵曹啓諸道鎮軍不分緊
慢或多或小今更磨勘定額分三番二朔相遞具錄于後忠清
道內廂正軍五百藍浦鎮泰安鎮各四百庇仁鎮一百全羅道
內廂順天鎮興陽鎮各五百茂長鎮扶安鎮沃溝鎮各四百慶
尚右道內廂六百熊川鎮七百泗川鎮五百左道內廂六百東
萊鎮七百迎日鎮四百寧海鎮三百黃海道海州內廂康翎鎮
瓮津鎮長淵鎮豐川鎮各三百黃州棘城鎮遂安防垣鎮各二
百江原道內廂三涉鎮各二百 從之○兵曹啓曾 命加設
醫書習讀官適兒五請以忠扈衛諸貢適兒司正四內二風水
學別坐訓導六內二去官畫貢適兒副司正一一一年兩都日受
職 從之○都體察使韓明澮據吏曹受教開啓臣今親審雲
山郡人吏日守蠲遼東騎載新安館立馬寧邊府立役本邑合
排完聚等事並皆未便但本郡東指熙川一百二十餘里北指

理山二百七十餘里碧潼二百四十里昌城二百七十里西指秦川九十里南指博川九十里寧邊六十里在四路中央大小使臣絡繹來往都節制使夏則本營寧邊冬則理山赴防其間三百里程報變逆馬及大小使客支待為難本郡鄉吏七十六戶日守六戶居民四百九十七戶官奴婢並五十二口請復立為郡在先移屬定州鄉吏日守亦皆還屬臣又審三登本縣之地東入黃海道遂安郡為多四面道里不均西去江東九十餘里居民甚苦渡江往來江東則使客往來道路中央館舍完固請移三登縣於江東從之○壬辰兵曹啓兩界甲士在外地者長戍軍門故其仕多輒先受職在內地者各於其番防戍故其仕小每都目身奪賢為不均請自今除授時五分之三授外地甲士其二分授內地甲士從之○秋七月甲午朔日暈○親傳宗廟承寧殿秋享祭香祝○丁酉日本國關西路九州都元帥源教直遣人來獻土物○己亥右議政韓明澮將往江原道御思政殿設宴慰之○承政院奉旨馳書于咸吉道觀察使曰行

大護軍浪將家老母大祥祭優例備給父丐老哈須及講武上
送○庚子僧虔安雪敬等擊光化門鍾上言曰幹事僧仁庇惠珠
佛明等對妻育子濫受諸邑代納之價 命下仁庇等于刑曹
鞠之○命放海南付處李宗衍○辛丑 御思政殿受常參視
事設酌內宗親及左議政權學工曹判書沈決兵曹參判金國光
諸將承旨等入侍 上問右副承旨盧思慎曰所考號牌文
籍何如思慎對曰今考文籍漢城府不考戶口賤籍而給號牌者
頗多禮曹別無差誤但度牒參考文籍無有 上曰不考戶口賤
籍而成給甚不可御札曰一推當該官吏一推准字烙印一僧
人無度牒而例非還俗者啓聞給號牌一京中漢城府郎廳二
同議成給 上謂學曰今之史官記事但記其迹而不書所
以然之故仍召奉教金礪曰汝操史筆書號牌成籍條件所以
然之故以來礪書以進一國家慮民丁脫漏自去年立號牌之
法令漢城府成給姦詐冒受者間或有之今又改漢字為漢城
二字烙印又有姦偽若令盡更則必有遲緩之弊以准字烙印

成給姦偽易見且無遲緩一僧人無度牒者法當逐俗然或年
老雖使還俗無益於軍丁勿令還俗 上覽訖命賜酒以其書
示孳曰此人精通又 召思慎進前謂沈決曰族親中思慎善
於從仕良用嘉悅卿其知之 傳旨司憲府曰漢城府當該官
吏彌牌成籍時不考准戶口賤籍而成給其推劾以聞○壬寅
御忠順堂召下三道所選武才卓異人等觀射兵曹參判奎國
光左副承旨尹欽入侍○平安黃海江原咸吉道都體察使韓
明澮辭○兵曹啓京外住居閑散三品以下朝士及有蔭子弟
內有科田者稱奉忠衛無科田者稱拱宸衛依受田牌例作統
每一番以一統入直京外正兵別軍亦皆屬五部依軍士例十
二朔番休二朔番上 從之○日本國對馬州太守宗成職遣
人來獻土物○兵曹啓中外有官守者並皆褒貶而諸道節制
處置使都鎮撫京畿左右道及綠楊察訪獨無褒貶請自今
都鎮撫則節制處置使察訪則觀察使褒貶 從之○癸卯
傳于承政院曰貢物代納之弊人多言之其議利害以啓承政

院啓代納之意本欲有無相濟今以某邑貢物給刊經都監某邑貢物給忠勲府有違大體且收價之際不得無弊今後國家勿代納間有不能自備者則宜聽其自願代納 傳曰外貢代納今以有弊廢之若後世不得已而復行則是後嗣未免毀祖宗之制也且代納之價已令守令從民情願收納期以無弊而今作弊如是是必守令未盡奉行也令分司憲府檢察何如承政院啓 上教允當○日本國對馬州太守宗成職遣人來獻土物○甲辰 御思政殿設酌孝寧大君補永膺大君琰桂陽君璫翼峴君璉鈴川府院君尹師路右贊成具致寬揚山君楊汀刑曹判書朴元亨中樞院使尹士昕中樞院副使韓繼禧兵曹參判金國光承旨等入侍先是咸吉道觀察使康孝文馳啓請破沿邊諸邑寺社撤移僧人至是 上與都承旨洪應議其事時汀進酒亦與此議頗失對宗親宰樞進曰汀之言必有其情請鞫之 不允○兵曹據忠清全羅慶尚道都巡察使關啓慶尚道左道內廂營屬軍士內守城軍三百九十二名分二

番馬兵五百二名分四番防牌軍七十二名分三番銃筒軍九十名分四番右道內廂營屬軍士內守城軍四百四十四名分二番馬兵六百名分四番防牌軍六十名分三番銃筒軍二十五名分四番守護軍二百十六名分四番赴防上項右道內廂守護軍二百餘名名為守護軍而實差雜役未便且左道內廂則未有守護軍請右道守護軍抽出定他役諸道內廂守城軍元不定額請依牧大都護府例分三番每一番各一百名定額防牌銃筒軍則並稱鎮軍並諭他道從之○義禁府啓喪人崔清江母死不著衰奔喪且母居連山詐稱就醫京師虛捏上言受賜藥要免天安郡事朦朧上請按律應斬命削原從功臣籍杖一百永屬珍山官奴○乙巳承政院啓楊汀昨日所啓之言必有其情請鞫之傳曰汀有何言可問而請鞫之耶都承旨洪應啓臣等未得備聞終始然其言曰欲從王世子是何等言也請問其情左議政權擘等亦請汀罪上召擘入內曰楊汀之言無情不可問也左贊成黃守身啓楊汀所言關係至

重不可不問 傳曰如此細碎事何煩強請其勿復言○前此
咸吉道都觀察使康孝文馳啓富寧以北諸鎮及三水等處住
居僧人赫但潛入彼土為可慮且恐見擄於賊上項諸邑及吉
州端川彼土連境寺社及僧人請依宣德八年受教內事理一
禁 御札諭江原黃海平安咸吉道都體察使韓明澮曰康孝
文啓本乍看則似有理而細看則有甚不可僧人雖愚好生惡
死人情所同豈有自就死地沙汰寺社古今所未能徒騷擾無
益失民心而已予今略舉不可之條以議於卿並孝文啓本以
送卿更度可行事件以啓白露為霜益懷行李○日本國對馬
州太守宗成職教賴等遣人來獻土物○丁未傳旨吏曹曰復
設兵曹兼正郎佐郎各一新設鎮撫所錄事四以架閣庫中樞
院錄事各二人移差○吏曹啓諸道士官職多寡不同名號亦
異或於不緊處設立今更磨勘具錄于後平壤府都府司摠掌
府中諸事都府一品五 副都府一品五 丞一正六 注簿二正七
軍器署軍器我兵令一品從五 注簿一品從七 直長一正八 錄事

一正九 典賓署 掌供饋使令 一品從五 丞 一品從六 注簿 一品從七 直

長 一品正八 錄事 一品正九 正設局 諸事 令 一品從五 丞 一品從六 注簿 一品從七 直

簿 一品從七 直長 一品從八 錄事 一品從九 典禮局 則兼掌使客供饋

宴享 諸事 令 一品從五 丞 一品從六 注簿 一品從七 錄事 一品從九 營作院 掌

造惟柴炭炸草 使 一品從五 副使 一品從六 判官 二品從七 錄事 一品從九

惺鋪陳等事 諸學院 掌儒醫譯學諸生供給院 使 一品從五 副使 一品從六 判

官 一品從七 錄事 二品從九 典酒署 掌酒醞酒 令 一品從六 直長 一品從八

品 錄事 二品從九 仁興府 荒禁令 諸事 農救 使 一品從六 副錄事 一品從六 直長 一品從八

禮安部 荒禁令 諸事 農救 使 一品從六 副錄事 一品從六 義興部 掌西面

荒禁令 諸事 使 一品從六 副錄事 一品從六 智安部 荒禁令 諸事 農救 使 一品從六

品 副錄事 一品從六 信平部 荒禁令 諸事 農救 使 一品從六 副錄事 一品從六

司倉署 掌看守倉廩出納錢穀等事 注簿 一品從七 直長 一品從八 錄事 一品從九

收支署 掌廩給出納諸事 注簿 一品從七 直長 一品從八 錄事 一品從九 掌膳署

掌公衙 供 注簿 一品從七 直長 一品從八 副錄事 一品從九 司獄署 掌獄

筆囚徒殺 直長 一品從八 副錄事 一品從九 掌漏署 掌奏 直長 一品從八

恤等事 直長 一品從八 副錄事 一品從九 直長 一品從八

錄事一從九品已上六十人在前九十一今減三十一咸興府者

府司都府一正五品丞一正六品注簿一正七品軍器署令一從五品注

簿一從七品錄事一從九品典賓署令一從五品注簿一從七品直長一從八品

從八品錄事一從九品正設局令一從五品注簿一從七品直長一從八品

錄事一從九品典禮局令一從五品注簿一從七品營作院使一從五品

判官一從七品錄事一從九品諸學院使一從六品判官一從七品錄事

一從九品仁興部使一從六品副錄事一從六品禮安部使一從六品副錄

事一從六品義興部使一從六品副錄事一從六品智安部使一從六品副錄

事一從六品信平部使一從六品副錄事一從六品司倉署注簿一從七品直

長一從八品收支署注簿一從七品直長一從八品掌膳署注簿一從七品

品直長一從八品典酒署注簿一從七品直長一從八品錄事一從九品

司獄署直長一從八品錄事一從九品掌漏署直長一從八品錄事一從九品

從九品已上四十五人在前六十今減十五寧邊府鏡城府都府

司都府一正五品丞一從六品注簿二正八品典禮局令一從五品錄事

二正九品典賓署注簿一正七品直長一從八品錄事二從九品軍器署注

簿一從七錄事二從九營作院判官一從七錄事二從九典酒

署直長一從八副錄事二權司倉署直長一從八副錄事二權

收支署直長一從八副錄事二權司獄署直長一從八副錄事

一權已上二十八人在前寧邊二十八人仍鏡城十五今加十

三義州會寧慶源都監司都尉一正六丞一從六注簿一正八

典禮局令一從六注簿一從七典賓署注簿正七直長一從八

錄事二正九營作院判官一從七錄事一正九司倉署直長一

從八錄事一從九司獄署錄事一從九副錄事一權典酒署直

長一從八錄事一從九副錄事二權已上十七人在前義州十

五今加二會寧十四今加三慶源十七仍鏡城穩城富寧江界

都監司都尉一正六注簿一正八典禮局令一從六注簿一從七

品錄事二正九營作院判官一從七副錄事一權司倉署直長

一從八司獄署錄事一從九典酒署錄事一從九副錄事一權

已上十二人在前鍾城六今加六慶州全州皆革從之○兵

曹又以諸道土官職增減磨勘以啓平壤府鎮西衛一領司真

一攝司直一副司直一攝副司直一司正一攝司正一副司正
一攝副司正一司勇一攝司勇一隊長十隊副三十二領攝司
直一攝副司直二攝司正二攝副司正二司勇一攝司勇二隊
長十隊副三十三領攝司直一攝副司直二攝司正二攝副司
正二司勇一攝司勇二隊長十隊副三十四領攝司直一攝副
司直二攝司正二攝副司正二司勇一攝司勇二隊長十隊副
三十咸興府鎮北衛一領司直一攝司直一副司直一攝副司
直一司正一攝司正一副司正一攝副司正一司勇二攝司勇
三隊長六隊副十五二領攝司直一攝副司直二攝司正二攝
副司正二司勇一攝司勇三隊長六隊副十五三領攝司直一
攝副司直二攝司正二攝副司正二司勇一攝司勇三隊長六
隊副十五四領攝司直一攝副司直二攝司正二攝副司正二
司勇一攝司勇三隊長六隊副十五寧邊府鎮邊衛鏡城鎮封
衛一領司直一副司直一司正一攝司正一攝副司正一司
勇二攝司勇二隊長七隊副十二領攝司直一攝副司直一

攝司正二攝副司正二司勇二攝司勇四隊長七隊副十三領
攝司直一攝副司直一攝司正二副司正二司勇二攝司勇
四隊長七隊副十義州牧鎮疆衛慶源府柔遠衛會寧府懷
遠衛一領司直一攝司直二司正一攝司正二副司正一攝副司
正二司勇二攝司勇二隊長五隊副十二領攝副司直三攝司
正三攝副司正三攝司勇四隊長六隊副十江界鎮疆衛穩城
柔遠衛富寧懷遠衛鍾城柔遠衛一領副司直一攝副司直
一司正一副司正一攝副司正一司勇一攝司勇一隊長四隊
副六二領攝副司直一攝司正二攝副司正二攝司勇二隊長
四隊副六全州慶州皆革 從之○己酉 御華韓堂設酌講

成均生員俞鎮等十人經書王世子內宗親文學宗親及河東
府院君鄭麟趾右贊成具致寬左叅贊李承孫戶曹判書曹錫
文判中樞院事金末中樞院事崔恒廣城君李克堪藝文提學
李承召承旨等入侍 命饋儒生酒 召宗親等講書夜分乃
罷○傳于禮曹曰江界府復置女妓○庚戌前此司憲府大司

憲咸禹治掌令鄭永通持平沈山甫金用利等以誤劾解送三甫老官吏見劾于司諫院至是本府以公事多滯請改差○上曰咸禹治等不劾主掌禮曹固已非矣又曰承文院專掌罪又重焉予特赦之○以尹士昕為中樞院使姜子平司憲掌令○御札諭平安黃海江原道都巡察使韓繼義曰卿所答徒民事卿迫於朝議不得已從之耳卿心實以為未可若未盡安集輸轉等事則反生怨恨此非小事卿更商度以啓予欲速而惧有弊故未能決斷待卿布置○辛亥 幸西郊觀獵宗親掌樞諸將承旨等隨駕○上謂都承旨洪應曰凡齋戒者欲使行祭者致齋也今不親祭亦致齋人主一日萬機苟不聽斷慮庶務傳留自今不親祭不齋○壬子 傳旨戶曹曰自今秋敬惠公主依科給祿○癸丑日本國對馬州宗盛家遣人來獻土物○甲寅前處置使金允壽卒輟朝一日謚胡襄彌年壽考胡甲胄有勞襄○丁巳禮曹啓今奉 傳旨儒生付籍讀書者外悉充正兵因此儒生年壯才踈者窺免軍役競投鄉校諸依元六典

定額年滿四十者充軍雖未滿四十而無進就者亦罷遣 從
之○己未咸吉道都節制使康純馳啓賊三十餘人入寇富寧
獐項等處府使朴保生帥兵追之賊伏林間射保生而死軍士
二人亦中箭死○加議政府右贊成具致寬輔國崇祿大夫朴
元亨為吏曹判書李克培刑曹判書李仲英行富寧府使○兵
曹啓筒箭我國長技不可不習舊例如甲士別侍衛並試筒箭
今三等試才時不許試取甚為不可請於八十步左右立標三
矢入者為一等二矢為二等一矢為三等以此試之入直軍士
習射時亦令練習 從之○庚申 御札諭都體察使韓明澮
曰今送康純啓本卿其審之予與申政丞同議云野人狙於小
小得志自謂國家未能攻伐作賊不已恒為聲言以賈之自謂
得策我一無所為示弱之甚矣今宜因殺將之幾整兵示威使
不得安心生業失所流離益以困之茲遣金謙光于康純以上
項事意口授方略卿其知之仍 命謙光將上項諭書往咸吉
道諭純曰可聽金謙光之言布置 賜謙光衣鞞弓箭○辛酉

上謂都承旨洪應曰爾等考兵書註解及誤處使河東府院君
鄭麟趾更考定以為無可改今觀之亦多有未穩處每視事畢
輒進一冊予親裁定○壬戌 幸西江觀構大倉基址遂 幸
西郊觀獵時兵曹佐郎高台翼不入打圍龜城君浚承傳脫笠
台翼冒從者笠馳往他處浚以啓 命褫衣縛致義禁府鞫之
上曰台翼濟州人予常護之今日罪重將殺之○禮曹啓按文
獻通考杜氏通典祀園丘儀云攝事無皇帝齋儀凡祭皆云並
如園丘儀諸司職掌亦云攝事無皇帝齋儀請自今親行祭外
攝行及遣官行祭一依古制除親齋香祝亦勿親傳 從之

世祖惠莊大王實錄卷第二十八

午十

世祖惠莊大王實錄卷第二十九

八月癸亥朔 命都承旨洪應與領議政申叔舟左議政權孳
右贊成具致寬判中樞院事金末中樞院佾崔恒戶曹判書曹
錫文中樞院副使魚孝瞻兵曹參判金國光等議置大倉僉議
啓曰於軍資監廣興倉豐儲倉加造間架又不足則於長生殿
之傍新構為便○時忠清道所選武才卓異人等到京 上令
彎強弓能彎者二人 命屬內禁衛○甲子以李孝長為中樞
院副使姜希孟禮曹參議辛永孫僉知中樞院事黃海道觀察
使李堧兼司憲執義許琮行司諫院正言李士平全羅道都節
制使○乙丑 御思政殿受常參視事設酌內宗親及領議政
申叔舟左議政權孳吏曹判書朴元亨禮曹判書洪允成中樞
院事崔恒戶曹參判金從舜工曹參判李延孫中樞院副使韓
繼禧禮曹參議姜希孟兵曹參議宋文琳黃海道觀察使辛永
孫諸將及承旨等入侍嘗作新甲欲授監鍊官送于諸道令依
樣造作至是 命允成及衛將閔發宦官宋師禹等著之以試

便否○丙寅平安道都觀察使金碩馳啓義州通事崔智隨謝
恩使盧叔仝前徃遼東回還曰行至伯顏洞遇唐人朴珍珍云
兀良哈二百餘兵將寇義州來屯仁清城今方收穫之時農民
布野而守護軍士寡弱故更發軍二百使之守護謝恩使盧叔
仝亦馳啓臣等到伯顏洞聞野人聲息從間道到遼東 命示
領議政申叔舟仍諭都體察使韓明澮○丁卯慶尚道軍威縣
女震死降香祝行解恠祭○兀良哈上護軍汝羅豆等來獻土
物○日本國對馬州宗盛家宗盛直各遣人來獻土物○兵曹啓
在先諸道站驛或罷驛丞各以附近合為一道置察訪然所管
驛多道里遙隔察訪未易遍察驛路凋殘今更磨勘分大中小
驛路及遠近已前驛丞差遣各路每一察訪加設驛丞一謹開
具于後忠清道連原驛丹月驛黃江驛水山驛安陰驛安富驛
新豐驛仁山驛坎原驛用安驛長林驛靈泉驛吾賜乎驛泉南
驛已上十四驛稱連原道察訪栗峯驛雙樹驛猪山驛長揚驛
台郊驛時化驛增若驛嘉禾驛土破驛順陽驛化仁驛田民驛

德留驛會洞驛新興驛舍林驛原巖驛已上十七驛稱栗峯驛道察
訪成歡驛新息驛金蹄驛長命驛迎春驛日新驛廣程驛敬天驛
平川驛金沙驛丹平驛惟鳩驛已上十二驛稱成歡道察訪利仁
驛榆楊驛龍田驛銀山驛靈榆驛宿鴻驛新谷驛豆谷驛菁化驛
藍田驛已上十驛稱利仁道丞時興驛昌德驛日興驛花川驛長
時驛順城驛興世驛汲泉驛已上八驛稱時興道丞金井驛光時
驛龍谷驛世川驛愛熊驛海門驛青泚驛豐田驛下川驛已上九
驛稱金井道丞全羅道丞參禮驛鶯公驛半石驛烏原驛葛草驛蘇
安驛寸谷驛良才驛居山驛川原驛瀛原驛扶興驛內才驛已
上十三驛稱參禮道察訪葵樹驛昌活驛東道驛應嶺驛引月驛
知申驛潺水驛良栗驛洛水驛德陽驛益申驛蟾居驛已上十二
驛稱葵樹道察訪青巖驛永申驛仙巖驛新安驛綠沙驛加里驛
景申驛廣利驛烏林驛永保驛丹巖驛青松驛已上十二驛稱青
巖道察訪濟原驛達溪驛所川驛丹嶺驛玉包驛已上五驛稱濟
原道丞碧沙驛鎮原驛通略驛別珍驛南利驛祿山驛可申驛波

清驛陽江驛樂昇驛已上十驛稱碧沙道丞景陽驛德奇驛加林
驛人物驛黔富驛昌新驛大富驛已上七驛稱景陽道丞慶尚道
長水驛清通驛清景驛牛谷驛華陽驛押梁驛毛良驛阿火驛義
谷驛鏡驛仍甫驛沙里驛朝驛仇於驛奴谷驛仁庇驛已上十六
驛稱長水道察訪昌樂驛竹洞驛昌保驛平恩驛道深驛宣安驛
安郊驛幽洞驛安奇驛瓮泉驛雲山驛松蹄驛琴召驛通明驛
鐵破驛青路驛已上十六驛稱昌樂道察訪金泉驛文山驛秋豐驛
作乃驛長谷驛茂村驛省草驛星奇驛踏溪驛安彥驛茂溪驛
舌化驛高平驛楊原驛東安驛楊川驛扶雙驛安林驛八鎮驛勸
賓驛金陽驛已上二十一驛稱金泉道察訪省峴驛九於驛琴川
驛水安驛金洞驛良洞驛龍駕驛幽山驛無訖驛榆川驛買田
驛西之驛鰲西驛温井驛一門驛內也驛雙山驛昌仁驛靈浦
驛已上十九驛稱省峴道察訪幽谷驛聊城驛德通驛知保驛
守山驛雙溪驛安溪驛洛平驛洛東驛洛陽驛洛西驛長林驛
洛原驛上林驛迎香驛仇彌驛安谷驛台溪驛已上十八驛稱

幽谷道察訪沙斤驛蹄閑驛正谷驛臨水驛有隣驛新興驛小
南驛平沙驛正守驛安澗驛新安驛碧溪驛果院驛馬田驛橫
甫驛已上十五驛稱沙斤道驛丞召村驛富多驛永昌驛文和
驛平居驛德新驛完沙驛良浦驛官栗驛東溪驛松道驛丘墟
驛背屯驛烏壤驛常令驛知南驛已上十六驛稱召村道驛丞
自如驛近珠驛良民驛新豐驛報平驛春公驛巴水赤項驛省
法驛南驛德山驛金谷驛大山驛已上十三驛稱自如道驛丞
黃山驛輪山驛渭川驛蘇山驛休山驛新明驛阿月驛肝谷驛
堀火驛富平驛德泉驛已上十一驛稱黃山道驛丞松羅驛南
驛酒登驛柄谷驛寧陽驛望昌驛大松驛和目驛文居驛青雲
驛峯山驛陸驛角山驛已上十二驛稱松羅道驛丞江原道銀
溪驛新安驛大昌驛瑞雲驛生昌驛玉洞驛乾川驛龍津驛小
陽驛原川驛方川驛含春驛水仁驛馬奴驛富林驛嵐校驛林
川驛已上十七驛稱銀溪道察訪保安驛仁嵐驛官昌驛安保
驛原昌驛連峯驛泉甘驛蒼峯驛葛豐驛烏原驛安興驛由原

驛丹丘驛安昌驛神林驛新興驛楊洲驛延平驛藥水驛平安
驛碧吞驛好善驛餘糧驛雲交驛方林驛大和驛珍富驛橫溪
驛高丹驛臨溪驛已上三十驛稱保安道察訪平陵驛達孝驛
德神驛守山驛興富驛沃原驛龍化驛交可驛史直驛樂豐驛
安仁驛大昌驛丘山驛水界驛冬德驛已上十五驛稱平陵道
驛永祥雲驛連蒼驛五色驛降仙驛麟丘驛清澗驛竹泡驛雲
根驛明波驛大江驛高岑驛養珍驛朝珍驛登路驛巨豐貞德
驛已上十六驛稱祥雲道驛丞黃海道青丹驛南山驛金谷驛
深洞驛新行驛望汀驛金剛驛文羅驛維安驛已上九驛稱青
丹道察訪麒麟驛安山驛文羅驛朴山驛真木驛延陽驛元山
驛茶湍驛新興驛位羅驛所串驛已上十一稱麒麟道察訪七
站察訪及咸吉道平安道察訪並仍舊 從之○戊辰 御交
泰殿內宗親及領議政申叔舟右贊成具致寬中樞院副使宋
慶寬承旨等入侍設酌 台中樞院使崔恒兵曹察判金國光
行上護軍梁誠之刑曹察判徐居正中樞院副使韓繼禧刑曹

叅議李丙講論兵書○以毛里安住兀良哈上護軍汝羅豆為
本處都萬戶副萬戶愁隱豆大護軍副司正多邑仇司正學生
阿下大副司正○野人中樞金多弄哈等倭護軍多羅而羅汝
文等來獻土物○禮曹啓今考諸道 御容殿守僕之數 瀋
源殿則司膳寺奴八名 穆清殿則司膳寺奴四名都官奴四
名 慶基殿則官奴一名良民十八名 集慶殿則諸司奴八
名或良或賤而數又不同請依慶基殿守僕例各以傍近良民
二十名抄定番休守直 從之○己巳以李克培為廣陵君李
克堪刑曹判書韓繼禧吏曹叅判李亨戶曹叅判柳子煥中
樞院副使金從舜中樞院副使京畿都觀察使姜希孟吏曹叅
議李永肩禮曹叅議任元濬僉知中樞院事○承政院奉 旨
馳書于諸道觀察使曰紅花春夏皆可種我國人但知春種而
不知夏種今抄農桑輯要種紅花法送之宜曉諭民間使知兩
種之利○日本國對馬州太守宗成職遣人來獻土物倭護軍
多羅而羅亦來獻土物○庚午 御思政殿內宗親及右贊成

具致寬禮曹判書洪允成吏曹判書朴元亨刑曹判書李克堪
兵曹叅判金國光入直諸將承旨等入侍設酌 上謂克堪曰
卿職帶書筵不可授以煩劇之任然刑獄重事非卿不可故特
授刑官 引見野人金多弄哈等五人傳曰汝等前者來言將
率諸種歸順者而來今何不然多弄哈對曰節制使以方農時
不許故不得來 傳曰汝等本是賊徒今皆歸順予嘉之汝等
何故侵盜不已對曰我等非侵盜者 傳曰雖在側之臣若犯
罪則皆置於法况汝等長惡不悛則容可赦乎野人等皆叩頭
曰我有如此之心何敢歸順乎賜野人等酒 ○傳旨禮曹曰
職兼藝文館者書名于籌每月初一日十五日探得三人講經
或製述其通不通及製述等第並錄簿歲抄開寫以啓 ○壬申
都體察使韓明澮從事官弼善金壽寧來 上御華譚堂引見
召領議政申叔舟右贊成具致寬兵曹叅判金國光都承旨洪
應左副承旨尹欽議此事遂諭韓明澮曰今見金壽寧具悉卿
意今富寧之賊亦草竊爾且不得利而還因一小竊切又興於兵

是徒結怨生事於待幾之計乖矣兵法曰先為不可勝以待敵之可勝且今東西備急自守不暇而兼以攻人則非安閑畜力之策且夷狄之情緩之則附急之則叛近間緩之之故為寇於中國者已再以蠻夷攻蠻夷之術正方今之善謀卿宜姑且忍辱畜力相幾而動但如金謙光賫去事目示威使不得安業亦足致困如此堅忍持重以觀其勢可也其餘所啓悉從卿議咸吉道都節制使康純馳啓兀良哈且末應巨阿容介金波老巨郎介所古老等到鍾城告曰七月二十九日於厚大住兀良哈多下下乃來自愁州語我等曰具州住兀狄哈阿羅介子多陽介等四十餘兵來屯厚地洞言前者穩城府饋兀狄哈毒藥腹脹而死今欲報仇臣即移文諸鎮堡使嚴隄備回諭純曰今見卿啓具知兀狄哈事變兀狄哈等與我國本無隙隙近日往來無阻今忽構辭造釁若實來者姑勿輕戰審觀其勢諭以汝等歸順往來受國之恩有年今無故舉兵而來必有他意豈為一人腹病疑我致毒而為此舉乎汝等欲為賊則直來為賊毋為

虛辭我亦豈無待汝之策如是開說若不舉兵而來則或因自
來者或招致而諭之且曰汝等豈不見兀良哈等曾為賊而歸
順者接之如舊亦不為毒况汝等輸誠無貳寧有是乎堂堂大
國有罪則討之有功則賞之耳豈容潛行醜毒姦詐害人哉他
日汝等往來者或自有身病便為虛辭以疑我是造釁無窮汝
雖欲來款我國安能待之如舊汝為兀良哈之所弄輕與大國
構釁可乎汝更思利害而為之如是開說予近聞兀狄哈與兀
良哈為讎將欲報之今兀良哈無乃造此說欲間我乎亦不可
不察也○禮曹啓文科并講易學啓蒙於四書三經雖不通一
書易學啓蒙粗通以上者并計給分從之○諭諸道觀察使曰
大典貢物代納條聽兩相情願代納守令依定價收給若勒令代
納及過數收價者以制書有違律論其代納之人不告官擅收
民間者亦以制書有違律論價物沒官今聞守令等皆不如是
民雖欲之而不從不欲而強之皆不聽民之情願及其收價亦
令代納人出入民間厚索其價至於田稅貢物之價使作者

直翰浦所官不知之如此之弊難以枚舉皆守令等不能奉法
之致然不可不懲詳悉推覈○癸酉 御思政殿設酌 王世子
與內宗親左議政權擘右贊成具致寬判中樞院事金末兵曹
判書尹子雲入直諸將承旨等入侍講兼藝文李孟賢等及生
員崔濟等經書○賜永膺大君琰白米五十石○甲戌都體察
使從事官金壽寧辭 賜襖塔胡帖裏各二領○命放平海付
慶趙孝禮稷山安置尹塘○丙子中樞院事崔恒禮曹判書洪
允成承 命取生員裴孟厚等一百人進士裴孟厚等一百人
以啓○丁丑 御思政殿設宴左贊成黃守身等侍宴○戊寅
傳旨禮曹曰今年文科勿講經○己卯 御華韡堂設酌內
宗親及判中樞院事金末禮曹判書洪允成刑曹判書李克堪
中樞院副使魚孝瞻宋慶寬韓繼禧漢城府尹黃孝源承旨等
入侍講兼藝文成均博士朴始亨承文院博士金宗直藝文侍
教許讓及成均生員金從漢等五人經書賜酒上與宗親宰
樞或論兵書或議經史允成將以安胎使發向慶尚道星州昆

陽請於回還覲 父子鴻山 命忠清道觀察使致祭于介成母

墳祖墳宴其父○兵曹據咸吉道都制節使康純啓本啓鍾城府

防垣堡會寧府豐山堡富寧府黃節堡皆賊路要害而與本鎮

隔遠儻有賊變不及救援且只差權管與軍士齊等教令不行防

禦踈虞請並差遣萬戶 從之○庚辰義禁府鞫兵曹佐誅高

台翼啓曰罪應凌遲 命杖一百配康津縣啓僧信云歐傷劉

亡龍事已久至是 命減亡龍罪一等放金永湔○辛巳放生

眞進士榜○司憲府啓高台翼違逆 上命罪不可恕請依律

治罪 不允○壬午 御札付世子曰禮樂不可斯須去身事

親之禮莫大焉夫禮者體之嚴嚴矯懦弱樂者用之和和矯暴

虐非嚴無以立體非和無以發用非嚴而立體則體無堅固非

和而發用則用無通達此聖人所以緣物設教預定民志以固

天下之勢以致太平之化者也是故禮莫重而忽之易其弊成

野樂莫要而流之速其弊成淫勿忽而守之不變勿流而用之

有節則雖軍陣燕閑之際事事逢原取用無窮何有乎繼志述

事哉右言大略耳細目在汝自思年久力行乃可有得特書賜之書紳莫忘○謝恩使金係熙姜希顏先遣通事張有誠啓聞見事目一五月二十九日還到寧遠衛指揮盛光云達賊與建州毛憐等衛野人連結今在沙河北長牆外二十里之地汝國向者殺野人有幾答曰不知盛光曰野人等汝國之讎朝廷與汝國合兵攻之則可以殄殲無遺一七月二十九宿于曹家莊驛廣寧差人管押被擄達子回來漢女四人及本朝解送楊里七金長命等詣北京楊里夫云向虜我者與趙三波一族故三波知我三波到廣寧見我問曰汝自朝鮮後門到鴨綠江而來鴨綠江淺深幾許騎馬可渡乎江邊農莊有無防禦緊緩何如答云農莊無有防禦甚緊鴨綠江水深不可徒涉又問何人帶汝來答云隨使臣入來又問使臣多少幾何答云三十餘人一八月初三日宿于十三山驛序班王忠自遼東向北京臣問聲息答曰我到廣寧揔兵官謂我曰野人趙三波來此我語之云汝建州人於朝鮮無讎怨何故搶擄人馬乎三波曰朝鮮所殺

浪孛兒罕乃我叔伯故欲復讎耳一初四日宿于廣寧王璜曰
野人趙三波童鬬赤等五人來告摠兵官曰建州人等田獵到
開原衛不分情偽搶殺之摠兵官謂三波曰汝等若田獵則何
以帶兵甲入長牆底乎汝嘗搶擄朝鮮人馬又犯上國汝若如
此我與朝鮮及遼東合攻則汝類無遺矣璜仍曰達子聲息寧
定則及冬將請朝鮮兵合攻建州衛矣一遼東聞東八站有
野人聲息加護送軍二十五名一遼東護送百戶高輔曰野人
等皆著明甲到乾者介搶掠頭畜財物問於人曰朝鮮使臣回
來何時野人等今在山太豆欲邀截搶劫奪其輜重即以事目
諭都體察使韓明會成吉道觀察使康孝文都節使康純平安
道觀察使金礪都節使金師禹○遣奇允摺于全羅道鄭仁
耘于慶尚道李壽稚于江原道趙怡于黃海道皆授發兵符令
徵兵又諭其道觀察使節制使曰今秋講武軍士須及九月二
十七日遣詣京師○甲申日暈○傳旨禮曹曰今後御胎及王
世子元孫胎室並勿設石欄干○丁亥 韋成均館謁先聖

御明倫堂宗親文武官館官諸生分東西班四拜訖都承旨洪
應承 命名試官河東府院君鄭麟趾領議政申叔舟中樞院
使崔恒吏曹參判韓繼禧升階 上親製策題曰禮樂之說有
三曰不可斯須去身曰緣以設教耳曰雖軍陣宴閑之際事事
逢原取用無窮右三說同乎異乎用人之說有三曰試可乃已
曰舉爾所知曰見賢焉而後用之右三說同乎異乎子大夫讀
書久矣悉陳其義 還御昌德宮後苑設酌閱陣○已丑兵曹啓
自今武舉終場講四書五經中一書武經七書中一書取略通
以上又從自願講通鑑兵要將鑑博議兵將說 從之○庚寅
親試文科取姜安重等九人○遣中樞院副使朴大生奉箋如
大明賀千秋又遣中樞院副使金有禮奉表賀 聖節○遣通
事行副司正朴枝管押彼虜唐人童忽舍等三名解封遼東都
司○日本國對馬州太守宗成職遣人來獻土物○辛卯 御
思政殿受常參視事召二品以上入侍設酌僉知中樞院事魚
有沼等以赴防平安道辭 引見令有沼進酒○諭諸道觀察

使曰聞守令等以為滿三年即遶凡千軍民事務慢不致意優
游度日者多予姑忍不治罪卿知此意嚴加考察其尤甚者一
二人啟聞雖立三年之法當以年月最久者漸次遶授非一時
盡遶也亦以此意遍諭諸守母生怠惰恪守其職○九月壬辰
朔以任孝仁同知中樞院事黃孝源仁順府尹金吉通漢城府
尹閔奎司憲掌令○諭都體察使韓明澮曰碧潼郡守趙宗智
有才能委任邊鄙今犯貪污見劾分臺卿其憑考同封分臺啓
本更覈實以聞○癸巳順城君諱率輟朝二日謚僖安小心畏
忘僖寬裕平和安○都體察使韓明澮從事官金壽寧來上
御交泰殿引見命召領議政申叔舟右贊成具致寬楊山君楊
汀兵曹判書尹子雲都承旨洪應等議寧北置鎮事叔舟等作事
目一吉州一百戶鍾城八十戶穩城六十戶源慶四十戶端川
二十戶已上三百戶下三道一千七百戶摠二千戶右寧北鎮
一會寧三十戶吉州四十戶鏡城四十戶豐山五十戶已上一
百六十戶下三道三百四十戶摠五百戶右築代一端川以北

諸邑之民徙居寧北鎮築代者償以下三道之民八百二十戶
倍數充入豐山償入之民入于會寧一吉州以北請邑之民流
移南邑者無遺刷還一東草坡設站古富居懷綏站吏並皆移
入一新設官奴婢則以鏡城以北諸邑散居公私賤定屬以下
三道諸邑奴婢及都官司贍外方奴婢內年歲相准者充給一
東草站以寧北鎮軍士一百名防戍擇有武略者差權管考察
一築城時量抄洪原以北諸邑之民後使一寧北鎮城基周回
一萬尺築代四千尺東草站三百尺一自下三道至咸吉道沿
途諸邑徙居人散料米糶令戶曹磨鍊○甲午傳于承政院曰
分巡御史等所檢劾官吏具錄罪名以啓今後分臺不能舉劾
者亦行罷黜發遣時更啓○命召領議政申叔舟右贊成具致
寬楊山君楊汀兵曹判書尹子雲等議寧北置鎮事叔舟等同
議以啓一端川吾乙足雙青山北豆里山以南有吉州甲山在
通之路若審地置堡則吉州甲山可以相援而端川以南無虞
矣一富寧茂山堡北有梁陽萬洞可於洞深審地置堡移茂山

防戍一黃節堡西有虛水刺洞即賊路也可於洞源審地置堡
移黃節防戍一寧北鎮暑不新設則不必徙下三道民一吉州
以北許令納穀受償於下三道 命召都承旨洪應令叔舟等
草諭書 御筆潤色諭都體察使韓明澮曰今見金壽寧具悉
卿意正合予本心誠置寧北鎮則據要害之地富寧以南賊路
防戍可除其利甚大故議於申叔舟楊汀具致寬尹子雲等磨
勘規畫如此予思利雖大而事甚鉅下三道之民搬移在途者
不下萬數怨咨者多和氣感傷疾疫必生牛馬疲困十死一活
且沿途各官散料散草助輸救病等事非江原道之所能支非
獨此也南方之民異風於北以疲困之力禦寇不暇奚能治農
死於寇而餓於農將恐有兩失之患也五鎮之民既非安集之
時而又有移入之舉則兵分力弱民情大懈慕大而兼失小欲
勝而取不勝矣如此商度之際或言端川吾乙足雙青以北豆
里山以南審地置堡則可以通吉州甲山之路緩急相援且除
西北堡以南賊路防戍又言移富寧之茂山堡於梁陽萬洞

濠據要害之地則防戍為便又言移黃嵩堡於兄弟巖之上虛
水刺洞源亦便可令審其地勢設堡嚴戍雖不設寧北鎮亦可
以自守予諱或者之策亦善也雖然寧北鎮竟不可不置也當
勿欲速漸漸移民入實則無支持疲困之弊數年之後勢必變
矣既實而置之則何難之有既置將役野人可也將減羣醜可
也將又置他鎮可也卿其審擇諸論更通便否惟卿所陳勿拘
廟筭○御札諭諸道觀察使曰松木禁伐之法立之未久而即
時凌夷雖遣分臺亦符同不効予甚怒方鞫分臺而將重論之
卿其毋掩前愆推鞫以啓○乙未 韋東郊觀獵○丙申諭諸
道觀察使曰人才無窮山林村野豈無隱伏沈滯者其有文名
學術者武藝智略者操行廉潔者慈祥愷悌者有孝行者有吏
才者雖一鄉推服素有聞望患不能自售其令界首官各舉所
知如其薦舉得人自有上賞其或徇私阿意舉非其人亦有其
罰卿其體之○戊戌讓寧大君禔率禔 太宗長子永樂二
年甲申封世子戊子朝大明戊戌以罪降封讓寧大君出居利川

世宗十八年丙辰量移果川丁巳 召還京第至是以病卒壽六十九計聞輟朝三日性戇直不治產以射獵自娛 世宗友

愛天至禔亦秉心無他克保終始娶光山君金漢老之女生三

男四女男諍誦諛側室男六女十贈謚剛靖彊毅果敢剛寬樂

令終靖○傳子刑曹漢城府叢禁府曰盜入闕內樂器庫竊冠

帶等物搜索都城內人戶○己亥 傳曰自今兵曹堂上入直

都鎮撫各一人日率囚禁衛及軍士一百人入後苑騎射○庚

子右承旨金謙光自咸吉道來復 命上引見序賢亭召領議

政申叔舟右贊成具致寬兵曹判書尹子雲盜判金國光議事

○御製教曰人生而正本無過失欲與物交百罪興焉聖無怒

心因故作刑哀汝罪徒離親失鄉汝自求戮非我戮之自予登

極愛民為心不幸多戮心恒未安皆是汝作又誰咎之雖然世

間離親莫苦以身恕之情不能忍日月既久想必悔悟宜降寬

息咸與惟新惟爾政府磨劬囚錄除其甚重務要合理具辭以

啟○遣都承旨洪應奉審 英陵○辛丑耆老宰樞宴于洪濟

院遣都承旨洪應賜酒樂○禮曹啓諸邑學長無勸勵之法不勤教誨請自今勤謹訓誨有成效者啓聞授散官職從之

○壬寅 御勤政殿設養老宴○癸卯 御序賢亭觀軍士騎

射同副承旨李繼孫兵曹叅判金國光等入侍○諭黃海道觀

察使辛永孫曰卿受委一方體任匪輕凡發兵應變安民制敵

一應常事自有舊軍慮或有子與卿獨斷處置事則非密符莫

可施為故賜親押第十一密符卿其受之○乙巳先是禮曹啓

御胎室在星州大君諸君胎室之旁且無儀物請擇地移安依

先王舊例設儀物 不允只命去標石立碑以別之至是立碑

其文曰恭惟我 世宗莊憲大王即位之二十一年 命有司

卜地藏諸大君諸君之胎于星州治北二十里禪石山之岡各

立石標之 上聖胎亦列其行表曰 首陽大君諱之室厥

今膺景命御瑤圖已踰八禩禮官亟請依 祖宗故事別為相

攸移安 御胎不允曰兄弟同胎何必改為請設儀物亦 不

允乃命只去標石樹碑志之務令省事於辱我 至上承天體

道烈文英武殿下必明睿智謙遜儉約之德莫罄名言然猶卽
此一事必可知其執謙崇儉處愈尊德愈光之至也而朝鮮億
萬年無疆之基益以永乎于休者亦於是乎可占矣銘曰於赫仙
李本支萬葉隸華交暎獨秀曄曄龍飛御天海宇清寧巍乎神功
制度備明顧惟 聖胎仍舊不移禮官上請願遵往規謙光不
允僉德彌昭龜趺卓立億載之標禪山峩峩秘殿英粹天長地
久克昌以熾○兵曹據都體察使韓明澮啓本啓江原道山城
浦則浦口填沙船不得入泊立為難連谷浦則浦口多巖石
亦難泊船不宜置萬戶蔚珍三陟兩浦則賊程要衝乃以守令
兼管倘有事變則兼治水陸軍其勢甚難請革山城連谷萬戶
置萬戶於蔚珍三陟 從之○丙午 中宮御思政殿設養老
宴○以司諫院正言許琮為咸吉道敬差官 命召領議政申
叔舟右贊成具致寬楊山君楊汀兵曹叅判金國光與右承旨
金謙光同議草琮賫去事目○丁未 御序賢亭觀騎射宗親
及河東府院君鄭麟趾領議政申叔舟右贊成具致寬楊山君

楊汀判中樞院事金末密山君朴仲孫中樞院事崔恒戶曹判
書曹錫文兵曹判書尹子雲刑曹判書李克堪中樞院副使魚
孝瞻戶曹參判李石亨兵曹參判金國光承旨等入侍講成均
館儒生金世臣等十人經書 賜酒○戊申黃海道康翎縣進
白鹿承政院請陳賀 不允○上御序賢亭觀騎射○己酉百
官進箋賀白鹿 上不受賀禮其箋曰聖人紹統神化旁流瑤
光委精靈貺晷至瞻聆所暨蹈舞悉均恭惟澤洽黎烝仁霑飛
走惟跂跂之仙獸濯出銀潢乃呦呦於豎華輝映瑞牒茲協氣
之所致實壽考之有徵伏念臣猥以庸資端逢熙運獲趨靈囿
覩希世之嘉祥竊効華封祝齊天之遐筭禮曹請令諸道進賀
箋 不允○御序賢亭觀射侯內宗親及領議政申叔舟左贊
成黃守身右贊成具致寬兵曹判書尹子雲戶曹判書曹錫文
兵曹參判金國光承旨等入侍 賜臨瀛大君璆永膺大君琰
叔舟內廐馬各一匹○傳旨更曹給還柳子文金杲金有善李
牛平等告身○吏曹啓司憲監察本二十員然不周於諸司請臺

出納遲滯故增置兼監察五員以成均注簿一承文院副校理
一世子衛率一通禮門通贊一訓練注簿一推移兼差然成均注
簿承文院副校理則必授文臣訓練注簿則必授文武科出身人
故或有缺乏之時因此監察亦少今考通禮門員多務閑請奉
禮郎一二員隨其人品亦兼差從之○傳旨兵曹曰武舉講
五經四書中一書武經七書中一書略通以上者雖不通將鑑
博議兵將說姑并試之○庚戌 幸綠楊平觀獵王世子與臨
瀛大君璆永膺大君浚桂陽君增翼峴君璵永順君溥鈴川府
院君尹師路河城尉鄭顯祖青城尉沈安義領議政申叔舟南
陽府院君洪達孫左贊成黃守身領中樞院事沈澮右贊成具
致寬工曹判書沈決楊山君楊汀吏曹判書朴元亨中樞院使
尹士昕戶曹判書曹錫文中樞院副使魚孝瞻行大護軍金瀚
文城君柳洙江陵君奉石柱兵曹判書尹子雲刑曹判書李古
堪行上護軍朴居謙大司憲咸禹治信川君康袞戶曹參判李
石亨行上護軍具文信權摯閔發洪益誠金處禮洪逸童林自

蕃工曹參判李廼孫漢城府尹權攀兵曹參判金國光等隨駕
○辛亥王世子往平原大君第○都體察使韓明澮遣從事官
金壽寧上書曰臣敬承 聖諭無審諸論晝思夜度敢陳愚慮
臣竊見咸吉五鎮其勢必須設寧北鎮內藩外籬可以永固五鎮不
可棄則寧北決不可置也較然矣謹以地勢明之富寧鏡吉如
齒虛水刺如唇缺其唇而求齒之不寒不可得也虛水刺之地
臣不目擊比來彼虜之內寇者皆由是路而後敢入誠扼其喉富
寧以南之防守斷可除矣臣惟 世宗大王初置五鎮廷議皆
以為難 世宗竟行之至今五鎮之盛倍於他鎮兵卒精強胡
馬不敢輕犯蓋 世宗之意既建諸鎮又從而及於寧北則大
役之後功力不易因循未就非不敢也勢不可也且五鎮之設
也規模皆所創新無有可因之勢今寧北有富寧為之本有懷
綏為之輔設鎮設站皆非若五鎮之難也况五鎮猶能列置則
此獨一鎮耳豈復有甚難者哉南民之搬移者勢必怨咨臣亦
慮此久矣惟念今之在五鎮者亦是南民居半生生有水建之利

此乃已然之驗也。臣願今年移幾戶，明年移幾戶，又明年移幾戶，以漸而入。三年之外，觀勢而置之，斯無難矣。聖諭所謂既實而置之，何難也。正臣之意也。如或者之言，吾乙足雙青以北豆里山以南審地置堡，又移茂山堡於梁陽萬洞源，又移黃節堡於虛水刺洞源，審此三策果確論矣。臣愚以為據孤遠之地設此三堡，竊恐祗資敵益致弊也。臣計如鏡之魚游澗，朱兒溫吉之斜下北斜末乙洞西北諸堡，軍少援遠，特為賊耳，非自守之良計也。且與設三堡於孤遠之地，寧置一鎮於要衝，誠一置寧北鎮，則內面諸堡可撤，撤諸堡而益寧北，則寧北為一堂堂之鎮，彼烏敢窺我哉。此萬世長慮，臣之所以反覆縷陳者也。若寧北未設，只宜仍舊嚴守，不必更置他堡。伏惟睿鑑。上手批云：正合予策。○壬子 御序賢亭閱習陣法設酌。○癸丑以崔漢良為司諫院正言。○乙卯百官賀誕辰。上不受。○司憲府啓趙宗智罪犯貪污，不可以赦，前不論請罷職以懲後人。○御序賢亭設宴。王世子與議政府堂上六曹判書將扈從

講武諸將留都守相守將及承旨等入侍○元良哈都萬戶于老哈等來獻土物○司憲府據全羅道分司憲府關啓節制使洪興祚既娶摠制洪寶外孫姜氏又娶淳昌別侍衛禹伯敏之女並畜二妻猶為不足乃以本道兵使欲娶靈光安置趙廷瑞之女至其家多張威勢以脅之廷瑞不許辭以女斷髮興祚使其邑守令及其弟洪興致突入寢房見之互相足齧貪淫頑暴無狀莫甚不可以赦前釋之請推鞠痛懲 命罷興祚職離異後妻○丙辰 傳曰講武時令浪子老哈隨駕○丁巳日本國對馬州平朝臣宗彥八郎茂世遣人來獻土物○戊午先是將講武徵兵于全羅慶尚黃海道至是會于箭串平騎兵凡七千八百餘步兵凡二千四百餘京中騎兵二千四百餘步兵三千六百餘以右贊成具致寬為支應使兵曹正郎李恕長從事官行上護軍金旣為左廂大將知中樞院事金慶義右廂大將大護軍金澣行僉知中樞院事閔諤行護軍李俊生行上護軍朴居謙薛孝祖權擎居平正復進禮正衡金山正衍春陽令徠為

衛將廂各五衛衛各五部部有將部各四統統有將以諸道兵
分屬焉又以漢城府尹權攀為司僕將新宗尹孝伯獅子衛將
江城君奉石柱射隊將宣傳官金承緒雜類將信川君康袞控
弦衛將行上護軍權軀寧強隊將林自蕃壯勇隊將李孟孫破
敵衛將鈴川府院君尹士路左議政權擘左叅贊李承孫密山
君朴仲孫中樞院使崔恒河原君鄭守忠中樞院副使成任吏
曹叅判韓繼禧為守相青城尉沈安義嶺中樞院事沈滄吏曹
判書朴元亨戶曹判書曹錫文刑曹判書李克堪戶曹叅判李
石亨守大將前一日旣處義領軍先屯于綠楊平是日破漏後
動 駕備前後部鼓吹臨瀛大君璆永膺大君琰桂陽君璿翼
峴君璉永順君溥河城尉鄭顯祖領議政申叔舟左贊成黃守
身兵曹判書尹子雲禮曹判書洪允成工曹判書沈決中樞院
使尹士昕楊山君楊汀兵曹叅判金國光都承旨洪應左副承
旨尹欽右副承旨盧思慎同副承旨李繼孫行上護軍李蒙哥
薛繼祖及宣傳官十員尚衣院二員忠扈衛三員香室一員尚瑞

司二負書雲觀二負禁漏一負司僕祿官四負蕪官三十一負
堂諫各一負吏曹郎廳一負兵曹郎廳四負舍人一負郎廳鎮
撫八負義禁府郎廳四負器軍監二負司膳署一負隨 駕駕
至彌沙里平京畿都觀察使金從舜揚州府使李孝恭來迎從
舜進鷹分 賜諸臣 中宮遣宦官李春來問安夕次楓川
夜把門鎮撫曹効彬鄭允福禁持標信者不得通行 上親問
效彬對以愚惑誤錯即 命赦之允福飾辭以對 命下義禁
府○己未 駕至漣川縣加兒平 御高丘觀打圍夕次松折
院平江原黃海平安道都巡察使韓繼義黃海道都事李慎孝
延安都護府使安誼來問安○遣注書成俊薦禽于 宗廟薦
新于 文昭殿○庚申 命右贊成具致寬為主將 駕至江
原道鐵原府境觀察使李誠長來迎至加乙麼峴射場觀打
夕次馬山 中宮遣宦官崔玉來問安○行四方祭○領議政
申叔舟統右翼在射場外 命司僕將權攀載鹿酒馳賜之兼
賜御製詩曰昔在己未春氣力回山岳一騁殘十禽仰箭透

一鹿所獲焉能算者六十八獨得 天顏豫將謂平生業豈

意揔六師賜申出烟樂太宗嘗講武命召承旨內監不知承旨

每當駐駕必先燒舟和進曰昔在先王時分圍圍山岳人人

逞村力紛紛逐秦鹿 聖武真天縱豈止六十八天意回有屬

中興創大業顧臣是何人與享太平樂○辛酉日暈 上御幄

次 命召諸宗親宰樞入侍設酌以奉石柱入圍內射獸罷射

隊將 傳曰奉石柱昨日事甚不可講武實大禮所在豈可如

此石柱有過人材技每當任事屢犯禁令此正智能傲人才足

陵人者也予當終不授將帥之任但以功臣享富貴而已叔舟

等請罪 不允○命送鹿十二于中宮賜鹿一猪二酒樂于留

都將相承旨等○承政院奉 旨馳書于留都承政院曰同封

御製賜鹿詩令忠勳府及文臣奉和善寫 還宮日進于晝

停所○夕次鐵原府回山平安道經歷安克思咸吉道都事仇

自平來問安○傳旨義禁府令放遣黃海道信川官奴永屬官

官朴漢江原道橫城官奴永屬官黃義之○冬十月壬戌朔

御幄次召宗親宰樞設酌 駕至平康縣石橋前安邊府使
尹諫謁道傍啓曰臣嘗於 太宗講武時扈從 賜綿紬襖衣
一領夕 次積山全羅道經歷高台弼慶尚道都事金秀光來
問安○是日西廬平打圍時壯勇隊寧強隊等闌入射場 命
義禁府並杖之罷其將林自蕃權軀以洪益誠李孟孫代之分
賜獐鹿于隨 駕宰樞及諸司賜宣傳官射隊獅子衛等酒肉
○工曹叅判李延孫來問安○癸亥 御幄次召宗親宰樞設
酌 駕至平康縣裁松射場觀獵夕次鎭原府鐸盞○命賜浪
丐老哈紵絲帖裏縣紬帖裏各一領 命其子將家老先往救
藥○京畿經歷崔濬忠清道連山縣監柳孝明來問安以都事
有故孝明代之也○甲子 御幄次召宗親宰樞設酌 駕至
鐵原南山下射場適天雨主將具致寬遽罷陣夕 次永平縣
塘洞兵曹請鞫致寬擅便罷陣之罪 允之有頃承政院啓致
寬罪犯匪輕請下義禁府鞫之 傳曰子當面諭○中宮遣宦
官池德壽來問安○鐵原人前行護軍韓方至年逾八十來謁

進生梨葡萄等物 命賜綿紬衣一領○留都將相遣輔德鄭文
炯奉箋謝賜宴箋曰 高照當陽蔚啓風雲之會 需天需澤偏蒙
雨露之霑 鏤骨何忘粉身難報 伏念臣等俱以庸品 幸際昌辰
誓不渝於險夷 惟匪懈於夙夜 雅望不足繫國之輕重 焉能有
焉能無孱材 曾非出山之東西 胡為相濫膺留守之任
恐負隆委之嚴 豈期睿慈曲加寵念 飛騎忽屆於一夕 恩綸誕
降於九霄 酒既肯殺 既嘉敝鹿革之大 燕髓於淪肌於浹 悅魚
藻之同歡 龍光莫逾 齧抃奚極 茲蓋伏遇 承天體道 烈文英
武 殿下允文允武 乃聖乃神 講羲田之三驅 開湯網之一面 觀
師律於搏獸 展孝思於獻禽 接下思恭 且眷肱股耳目之在內
愛人以德 更披心腹 腎腸而由中 遂令臣等之踈迕 特荷宸私
之繾綣 臣等謹當益殫素節 庶免素餐之譏 恒貢丹忱 永祝丹
扈之壽 ○乙丑 御幄次 召宗親宰樞 設酌 領議政申叔舟 請
鞫具致寬 上曰 闔外之事 將軍制之 云者 以君將各在 而言
也 今則予在此 而致寬不啓 罷陣 不得無罪 然其情 不過憐恤

軍士耳昔秦穆公不廢孟明卿等勿復言○承政院奉旨馳書于留都承旨曰初六日迎駕時曹錫文率一所軍士守景福宮沈澮沈安義率兩所軍士侍衛中宮迎于畫停所李承孫朴仲孫留都其餘宰樞隨百官例出迎兵曹堂上承旨各一員如沈澮例各一員如李承孫例○駕至水平寶藏山射場觀獵夕還次水平縣前平上在射場命召楊山君楊汀西原君韓繼美禮曹判書洪允成入射場允成不即馳詣命罷允成都鎮撫○江原道都事趙社來問安○丙寅御幄次召宗親宰樞設酌○賜倭向化平茂續藤安吉紵絲帖裏各一領○駕至王方山射場觀獵賜宰樞獐鹿及酒夕次每場召洪應傳曰予昨責允成今見允成終日有戚色仍使應語宰樞等曰昨命允成從我入射場久不來故令司僕召之亦不來又前日召允成不即趨走應命見宗親禮貌之徐徐而來允成必執已見以為是病正在此至尊之前豈有私禮允成以禮官之長至於如此可謂知禮乎以此臨事則同僚必不推服任之閫外則必不能

令衆以敗事也申叔舟等啓允成不敬請鞫之 上曰允成情
狀予備知之更鞫何事叔舟等更啓臣等請鞫者不必更鞫情
狀欲下法司抵罪 不允○丁卯 駕至祿論石峴行陣不整
命脫部將統將等笠李俊生所領衛軍亦不整 命脫俊生
笠給付義禁府 駕至綠楊平百官以戎服來迎至牛耳洞前
丘王世子來謁 上入晝停幄次 中宮進豐呈 命二品以
上侍宴 命能陣令軍士等邀屯于箭串平 命兵曹判書尹
子雲點閱後罷遣如有躲避者以軍法論日暮 還宮○己巳
命遣注書于漢城府搜取號牌文書○庚午持平沈山甫將本
府議啓洪允成聞 上命不即馳詣不敬莫大請鞫之 傳曰安
可以不敬言之山甫更請 傳曰非故不來也馬不進耳山甫
更啓 傳曰中間使者不即傳命勿更言○凡儒生會試講經中
格者例授教導有李淵澄者請吏曹令史詐為會試講經者冒授
陝川教導吏曹自覺請避嫌 傳曰淵澄及令史所為官負何知
其勿避○傳曰輪對東西班相間每日一人進對○日本國王

源義政遣僧順惠等來獻土物其書契曰動履協吉忻慰惟深
近之乘槎之信無見持節之人往歲寶鈔滿船運來流通以利
物之心幸孰大焉茲承自貴國送漿舶逢風波之險未到日域
既聽失所在天歟命歟不堪咨嗟者也次我國為修和親之道賚
書使投盧通事速遣使大明國泥封頂戴天澤不勝幸甚又比
年北狄雖企干戈不戰成功王化所貴威光盛者異於他邦不
敢感幸哉今復差圓滿院淨善法司大明國天童第一位機外
用禪師求昆盧法寶蓋我京大和州有教寺乃天台宗之雄也
爰厄兵火鞠為灰燼藏殿遂罹延燎當彼寺之復舊而藏經未
備欲將一截安置本山為植福之地同重賜銅錢以遂利物之
心者有甚奇產如之乎况貴國無恠壁之心每求乞容其德固
有隣者也不勝忱謝不腆之土宜在乎別幅采納惟幸順序保
重切希為國自珍不宣○兀良哈都萬戶浪孛老哈特加資憲
學生可湯只為副司正前例野人之職毋過從二品○辛未
御札下承政院曰號牌改其體制以癸未年十二月晦日為限

京中漢城府外方都會所大君以下奴婢必准賤籍給牒不付
良賤籍而又無可證文籍者皆付之公賤良人不及限者以制
書有違律論賤人不及限者亦付之公賤以杜避役者冒認者
○禮曹叅判曹孝門卒孝門昌寧縣人甲子科授藝文檢閱
累遷議政府舍人及世祖即位與佐翼功臣歷慶尚道觀察
使禮曹叅議陞叅判封昌城君如大明賀正還拜大司憲出為
平安道觀察使上西巡進階嘉靖復為禮曹叅判以疾卒輟
朝一日謚成度佐相克終成心能制義度性有崖岸好高論○
司憲府又請洪允弋罪不允○遣僉知中樞院事李甲中如
大明進貢種馬五十四匹○壬申諭都體察使諸道觀察使節制
使處置使曰今兵正凡徵兵只用發兵符不用虎符前此受去
虎符上送○癸酉御忠順堂命中樞院副使宋虜寬都承旨
洪應讎校兵書○遣工曹叅判柳守剛仁順府尹洪逸童如大
明賀正○甲戌都體察使韓明滄從事官李克均來上引見
傳于承政院曰咸吉道慶源穩城等邑失農太甚轉南道諸邑

倉粟救荒事令戶曹磨勘以啓○洪允成判中樞院事李克培
禮曹判書李石亨判漢城府事柳子煥戶曹叅判金吉通禮曹
叅判金禮蒙同知中樞院事兼成均司成金連枝中樞院副使
金係熙漢城府尹崔濡開城君田桐生兪知中樞院事○遣司
夔別坐許峻于京畿宗簿注簿朴繼金于開城府尚瑞錄事金
承慶于忠清道皆授發兵符令徵兵并諭其道觀察使及留守
曰今冬講武軍士須及十月二十三日上送○乙亥聖節千秋
使以聖烈慈壽皇太后遺誥一道送于承政院○禮曹啓壬戌
十一月大行太皇后舉哀則上未寧令文武百官具素服烏
紗帽黑角帶設闕牌舉哀三日丙子二月大行太皇后舉哀則
聞喪即日 上率百官素服烏紗帽黑角帶舉哀每日早朝與
臨三日而除停朝市去刑戮禁屠殺斷音樂停嫁娶外方亦如
之 御札下議政府曰親喪且以日易月外國停之何如議政府
議啓除舉哀只停朝市○諭都體察使韓明澮曰今諭康紘令
語彼人曰汝等作賊不已每稱歸順欲以緩我師非我不知汝

等謊說汝等實欲歸順則何不執致叛國大恩林阿貝乎汝等
護一林阿貝終共被禍矣但以國家憐恤汝等久故冀其歸順
使之安生樂業戢威示息喻之以義汝等暨無悔過之心所為
如此汝等為國家竟無誰何止此而已乎今日何可逃焚蕩殺
戮之禍皆汝自作非關於我我若致討顯行征伐不為陰謀爾
可戰則戰逃則逃一征之後汝等斷不得居爾土也預知之卿
悉是意若豆里等建州之人來亦以是意語之使彼知懼因以
觀其情勢此後之事隨後有旨○諭咸吉道都節制使康純曰
今賊既慮我致討又為兀狄哈所破勢亦震恐乘機設謀之時
於我亦因勢利導之時同封事目細審施行為可一元狄哈之
人若出來厚待慰送若欲上京勿阻上送一元狄哈與訓春野
人相攻不可使彼此疑我生釁宜存撫訓春之人使安其居厚
待兀狄哈令不疑阻務在適宜○傳旨司僕寺賜臨瀛大君璆
永膺大君琰左贊成具致寬揚山君楊汀雲城府院君朴從愚
文城君柳誅兵曹判書尹子雲漢城府尹權攀各兒馬一匹以講

武時分左右射獲而勝也○御忠順堂 命中樞院副使宋處

寬都承旨洪應讎校兵書○丙子兵曹啓在先犯罪軍士當囚

鞫者送刑曹收告身囚禁然本曹摠治軍務請勿送刑曹本曹

囚鞫啓聞科罪後 追奪告身 從之○丁丑 御忠順堂 命

宋處寬洪應讎校兵書○傳旨吏兵曰諸司吏典皂隸犯罪者

擅便黜免未便自今啓達○先是樂工黃鍾生及私奴加叱朴

金義同吾亡知等毆茂林正善生子終孫終孫兄明川正長孫

具由以啓 命宗簿寺並囚之黃鍾生詣獄加叱朴等逃匿

命追捕之下 御扎曰速囚奴主至是少尹柳季潘啓曰奴主

凡三人其二在外其一德城君敏也且其奴三人皆已捕囚

上曰何不速囚而今日取旨甚不可也並下季潘及鍾生等于

義禁府鞫之○庚辰 御思政殿受常參視事設酌世子與臨

瀛大君瑆桂陽君增翼峴君璉龜城君浚領議政申叔舟雲城府

院君朴從愚鈴川府院君尹卍路河城尉鄭顯祖吏曹判書朴

元亨判中樞院事尹士盼中樞院使尹士昕兵曹判書尹子雲

刑曹判書李克堪判漢城府事李石亨大司憲咸禹治戶曹參判柳子煥工曹參判李延孫禮曹參判金吉通漢城府尹權攀仁壽府尹李墅承旨等入侍 上曰講武後未見宰相久矣 命世子進酒遂行酒于諸宗親宰樞 上謂叔舟等曰大槩若使臣以禮臣事君以忠而前日講武時洪允成多有失誤予親教之不從予言遽爾妄對且蘆平打圍 命入射場允成遲留不來雖其心以為在場外為是予既有命且古有水火無避之說况馳入射場有何難事而不即來乎為臣之道不當如是然允成愚惑無情人也予不過之且予心本不含畜苟有可言必皆言之如青天白日也 太宗嘗謂不言人之是非為是其時功臣李茂有過 太宗不言卒致叛逆予意以為君臣之間各言所懷可以兩得相安允成如此屢失不宜任大事但以愚惑致然故今罷職事只令安享富貴而已叔舟啟曰臣之於君有死無貳安有聞君上之命而不即進者乎當其時臣等已請其罪 上原之故不得更煩然所犯如此而今不罪之無復懲艾

上曰卿言是也然既已勿論不須更言即命叔舟進酒曰子使世子常侍常參朝啓欲其知君臣間事也世子武藝有能而學問未進此子所軫慮也又命禹治進酒傳曰今日子將習陣於後苑諸宗宰可入侍遂御序賢亭進膳世子與宗親宰樞皆侍食設酌命金澆為左廂大將金履義為右廂大將各率軍士習講武打圍命罷陣御華韡堂射侯璆叔舟汀石亭等待射又令諸宗宰及兼司僕等射侯○辛巳司憲府據黃海道觀察使關啓李愈昌為免山縣監置妾私婢元德於境內民家亟來往厚贈官物又為助邑浦差使負監收稅糧通其浦住私婢仍叱德贈米五石餘布二匹等物事覺自知罪大逃隱不現請令本鄉忠清道藍浦妻鄉黃海道遂安郡守令根尋掩捕并移文他道搜捕從之○壬午御思政殿召諸將設酌示御製武經序其辭曰古之論兵者多而今所宗尚七書而已皆先條更事所知積思所裁制治保邦無要於此求之益深用之不窮譬如對峯望山陟之彌高能入其門者方乃可窺夫天之

生物脚之齒之翼之爪之求其食備其侮安其性理一事通家

國皆然故求其食者農也備其侮者兵也安其性者學也非此

三者世道不豎庸庸曉迷碎之徒誦九流之說不知一致之道未

嘗經目而指為武人之學何笑如之世宗嘗曰兵不可不知

乃親授子孫子承聖訓弓馬之間究精兵家蓋有所得未

必無暗合處亦非語言之所能喻人也文宗以予知兵命

予口訣并解予與權學洪允成不違於靖難莫得而致詳焉今

更與申叔舟權學崔恒宋處寬洪應等定口訣命校註庶育英

才收功四方云爾○命臨瀛大君璆問宣傳官金承緒曰汝為

雜類將與金幹熟優承緒對曰臣優矣問所優何對曰幹為雜

類將不知病處臣則能知病處而善處之是以為優上曰然

賜鹿皮一張癸未試文科舉子于勤政殿庭領議政申叔舟

藝文大提學崔恒提學李承召等為讀卷官都承旨洪應禮曹

參議李永肩判司宰監事金瑋藝文直提學李坡禮曹正郎趙

安貞為對讀官策題王若曰予自莅政以來屬意文武或親

講經或試製述敦勸儒士非一方也未見作成之効或親習閱
或試兵法策勵武士非一方也未見作興之効敦勸策勵之術
有未盡歟甄別拔擢之道有未至歟抑氣化有盛衰非人力可
及歟安得使士競奮勵英豪輩出與共經濟乎士大夫各悉心
以對 命王世子先試武舉人步射于慶會樓池南邊 上御
序賢亭試騎槍筒箭○甲申 御思政殿入直諸將兵曹堂上
承旨等侍設酌引見日本國使臣順惠等 命左贊成具致寬
傳曰書契之意已悉求請大截經當贈送銅錢則國不行用將
索之以送與三寶不可飲酒然情意甚好故酬酢耳○取文科
柳自濱等三十三人武科趙頴達等二十八人○丁亥文武科
日晏詣闕謝 恩傳曰新及第等謝恩太晚予甚非之欲不許
出身何如承政院啓曰既賜出身請下依司推鞫罪之 上曰
然則文武中先到者十人令遊街其餘令憲府鞫之○諭諸道
觀察使曰貧窮乞食人救恤之法已詳然隣里族親等專不救
恤而官吏不檢舉未便自今盡心糾檢其不恤者推劾以啓○

先是 上將講武徵兵于京畿開城府忠清道至是皆聚于箭
串平騎步凡一萬四千三百六十一分為三廂廂各三衛衛各
五部部各四統以右贊成具致寬為支應使兵曹正郎李恕長
從事官行上護軍金漑左廂大將知中樞院使金處義右廂大
將行上護軍權軀中廂大將居平君復進禮正衡金山正衍春
陽令徠行大護軍金瀚行護軍朴居謙行僉知中樞院事閔毅
行護軍薛孝祖行上護軍權擊衛將栗元令徐獅子衛將江城
君奉石柱射隊將行護軍洪益誠擊強隊將行護軍李孟孫破
敵衛將仁壽府李暨兼司僕將漑處義 領軍先陣于中良浦
留都將相皆仍前日講武時將相○戊子日暈 上與中宮動
馬 王世子與臨瀛大君瑆永順君溥龜城君浚河城尉鄭顯
祖新宗君孝伯毛山正禧堤川副正蓋富濶副令孝叔銀山副
令徹鵠城副令金孫雲水副令孝誠枰城副令律牟陽監植
雲城府院君朴從愚領議政申叔舟左贊成黃守身工曹判書
沈決揚山君楊汀中樞院使尹士昕文城君柳洙兵曹判書尹

子雲行護軍李俊生行上護軍金處禮行護軍李澄珪兵曹參
判金國光大護軍李蒙哥都承旨洪應右承旨金謙光同副承
旨李繼孫行上護軍趙得琳具文信薛繼祖等隨駕諸司官負
則依前講武時數百官以戎服祗送于中良浦京畿都觀察使
金從舜來迎 駕至中良浦三廂大將各率軍士扈從 駕至
揚州達川各宗親宰樞設酌從舜進鷹狗分 賜宗宰○先是
咸吉道都節制使康純據會寧節制使宣炯呈馳啓兀良哈林
阿具送其子告曰前者為阿兒豆林大等賫從犯境今欲歸順
恐獲罪未敢茲將鹿皮以表下誠且將所槍去富寧女一名還
送若林阿具來乞降則何以處之至是 命示申叔舟遂諭純
曰林阿具曾來侍朝告暇而去遂叛從賊自庚辰以後凡賊之
寇邊無不與焉其惡已甚所當執致明正典刑而宣炯之受其
贈不合事宜今若誘之使來則不可治罪宜如前諭督令賊之
歸順者拿致而觀其勢若林阿具更使人則語之曰汝來則來
不必使人來告其他諸種來者誰先使人而後來耶阿具若來

則拘囚馳啓可也○已丑 駕渡龍津浮橋至楊根龍頭忽大
雷雨雪雹交下 命兵曹判書尹子雲賚酒食杆後以救凍餒
者夕 次盧多谷軍士與輜重相失者頗多臨瀛大君璆亦失
之 上聞之令司饗房供饋○夜有一軍士毆傷右廂前衛從
事官鄭從雅而逃 命其弟義禁府都事懷雅救護還京○忠
清道都節制使李允孫遣人進方物于 大殿中宮世子 上
以講武時中宮世子進上非大典所載 命司憲府劾之○庚
寅 命楊山君楊汀率宣傳官三人領三廂令軍士之失輜重
者留宿所以待軍士多詐言失輜重還宿所者 命金國光馳
諭三廂 駕至彌智山下孝寧大君補農莊 幸上院寺補及
都鎮撫等隨 駕夜還次補農莊宦官宋重不及進輦 命義
禁府杖之收告身○留都守相等遣從事官成均直講李克增
來問安○十一月辛卯朔支應使具致寬啓支應差使貞忠剛
判官閔亨清風郡事李繼忠堤川縣監金承幹槐山郡事權承
和陰城縣監孫士溫原州判官金興俱不肅拜請鞫之 命下

義禁府承政院啓令若囚之恐稽支應諸事請待事完推鞠

從之○韋龍門寺夕 次鉢山○留都議政府六曹遣戶曹叅

判柳子煥問安○上聞臨瀛大君子定陽尹淳病 命遣隨駕

內醫金智令承政院馳書于留都承旨曰令全循義與全去金

智同心治療○兵曹得毆傷鄭從雅者以啓夜 命領議政申

叔舟兵曹判書尹子雲叅判金國光承旨李繼孫與義禁府提

調雲城府院君朴從愚右贊成黃守身等拷訊○命臨瀛大君

璆亟還京視子淳病○壬辰申叔舟等推毆傷鄭從雅者未得

其情以啓 命作捕獲事目一毆傷右廂前衛從事官鄭從雅

人現告者軍士則勉三資賞職賤人則賞綿布五十匹助丁則

免軍役賞職一知情不告者與毆傷人同罪全家徙邊一衛部

統將及旅帥隊正等不能檢舉所管軍士不及 還宮前現告

而後現則杖一百充軍夕 次盧多谷○部將金嶺等得毆傷

鄭從雅甲士朴陽茂證見正兵朴乙朴乙成朴永年等以啓

命下義禁府令叔舟等鞠之○命下差使貞閔亨于義禁府○

癸巳 命承政院馳書于留都承旨曰前者令臨瀛大君璆來

迎豐壤今其子病頓愈則來不則勿來并給藥材食物夕 次楊

州月介田○申叔舟等啓今鞫朴陽茂辭證明白形迹現著而不

輸情請拷訊時夜寒甚 賜叔舟等酒肉俄而 傳曰若拷訊

則雖使朕招謂之得情乎 召叔舟等入帳內令拿陽茂等來

親問之言辭或異 傳曰此獄非急遽間所能决姑下義禁府

後日更鞫○甲午 命三廂軍先往豐壤合圍以待 御幄次

外召宗親宰樞設酌世子進酒仍行酒于諸臣 上還內俄而

動駕有一壯勇隊訴駕前曰私奴富貴者欲入壯勇隊其主洪

繼祖疾之割耳斷筋 命義禁府知事金琦馳往拿來鞫之

駕至楊州柳浦前僉知中樞院事金子鏗進红柿子賜衣一領

及魚肉等物留都百官以戎服來迎于豐壤前平夕 次豐壤

離宮夜 傳于承政院曰明日放軍士還宮初講武以十日為

期軍士冒雨寒甚故有是 命○臨瀛大君璆來肅拜○乙未

以 上幸上元寺時有觀音現相之異百官進箋陳賀 下教

赦謀反大逆謀反子孫謀殺歐罵祖父母父母妻妾謀殺夫奴
婢謀殺主謀故殺人但犯軍令盜強外罪○命召宗親宰樞設
酌 命司僕判官李德良宣傳官尹末孫等領當番軍士先行
打圍 傳曰赫為獵也欲觀若等才耳又 命尹士昕金國光
留點三廂軍放遣 駕至楊州大方洞觀獵暮 還宮○丙申
日暈○以鄭永通為司憲掌令○丁酉 御華韓堂設宴宗親
宰樞承旨等入侍 上射侯臨瀛大君瑈領議政申叔舟楊山
君揚汀判中樞院事洪允成判漢城府事李石亨行上護軍閔
穀等侍射以瑈叔舟汀等射侯得勝筭 賜畫鍾各一事賜權
擘漢江圖一幅○戊戌地震于慶尚道金山仁同開寧善山等
邑降香祝行解恠祭○己亥 御思政殿受常參視事○傳旨
吏曹曰故敦寧安壽山故判敦寧金九德故摠制金五文前監
察呂宗敬修義校尉柳子濱故郡事韓卷前判事李添老行直
長朴元直護軍柳洞故諱軍全仁貴前通贊盧定行司勇萬同
源故學生金處故牧使金有讓前都事楊國華副司直金孝順

玄得利吹螺赤李止司鑰朴良守前司正李喜山敦勇校尉李
龍壽行司正朴枝茂金熙璫本宮奴張成萬私奴保霖朴祜山姜
今音同姜白同追錄原從功臣三等○辛丑設中宮生日宴
于思政殿宗親宰樞承旨等入侍○以文城君柳洙為咸吉道
都巡察使兵曹正郎李恕長黃海道敬差官宣傳官尹末孫平
安道敬差官宣傳官權慎江原道敬差官授事日以遣一捕松
鶻器械不盡心布置至今未獲一連採訪別監守令推劾其中
尤甚者勿論功臣議親拷訊堂上官啟聞施行一鎖所監考及
辭連人有不輸情者拷訊○壬寅司諫院啟咸吉道防禦事緊
平安黃海道時方徙民江原道失農今遣敬差官恐有騷擾之
弊請令觀察使推鞠傳曰咸吉之防禦江原之失農平安黃
海之徙民予固知之然進獻鷹子採訪等迨今不獲一連故遣
敬差鞠之○承政院奉旨馳書全羅道觀察使曰道內靈光巨
顯山東麓產倭楮守令匿不以聞甚不可倭楮條數親審以啓
且定看守人嚴加禁防○夜命留迎秋門及崇禮門與仁門

遣注書孫昭于屯地山冰庫檢閱金漬于別冰庫審修葺勤慢
○癸卯 御思政殿受常參視事觀宗親等捧戲領議政申叔
舟右贊成具致寬刑曹判書李克堪承旨等入侍設酌○甲辰
御思政殿受常參視事內宗親及左議政權擘右贊成具致
寬行僉知中樞院事李邊判中樞院事洪允成吏曹判書朴元
亨中樞院副使金連枝魚孝瞻刑曹判書李克堪工曹參判李
延孫戶曹參判柳子煥承旨等入侍設酌○平安黃海江原道
都巡察使韓繼美來復命○乙巳司憲府啓李淵澄冒受官爵
雖已經赦不可不懲臣等曾請徙邊未蒙俞允請收告身 從
之○戊申 御思政殿受常參視事設酌內宗親及左參贊李
承孫河原君鄭守忠戶曹判書曹錫文藝文提學李承召入直
諸將承旨等入侍 下御扎云治衆而不可一一耳命故作形
名分數預定其進退敬各臨戰而不可常守一勢故出變通新
令乘機而用正用奇若山川隔礙則視難泐百里連陣則言難
通一部受敵則應難齊故知兵者委律其將漢祖是也不知者

麼繫諸軍隋煬是也此兵家之大要不出於此至如心體國
家之大計得士卒之心力臨危而制變取勝於四方在人而不
在法律肆不詳及卿等皆國之俊乂知運於一時者也而但以
國家兵平不以兵事為意故行軍則一日之路十日不到講法
則專不通打圍則長蛇爭下闕陣則受令於下載牽馬首在公
則多病在家則無醒笑之極者無如卿等勿以子言為惶當以
子言為媿與我共享天祿之由非他之供皆自食其功耳右戲
諭諸將仍召部將鎮撫兼司僕宣傳官等講問○傳旨義禁府
放遣忠清進木川付處鄭孝絲○己酉諭諸道觀察使節制使
曰國之大事在祀與戎凡干軍務事件該曹受教移文者數矣
諸營鎮將親為餘事兵器馬匹專不點閱因此軍士亦不自備
每當點閱潛相借佩名存實無將遣人糾察大明黜陟卿宜知悉
倍加考察使速自備○庚戌 御思政殿受常參視事左議政
權掌吏曹判書朴元亨刑曹判書李克堪判漢城李石亨楊山
君楊汀中樞院使崔恒中樞院副使魚孝瞻吏曹叅判韓繼禧

兵曹參判金國光承旨等入侍設酌 命放全羅道礪山付處

鄭昌孫召王世子進酒右副承旨盧思慎啓德源君居第事

上曰昨予與世子言此事以為曙之第若新構則功役甚重為

弊不貲欲令買之者所以除弊也今戶曹請買六十餘間大屋

此尤不可昔 世宗朝大君諸君之家皆有定制今若買大屋

則後世鍾愛庶子者必援此而增益之終至百餘間矣其速令

戶曹改擇以啓 召兼司僕具文老裴孟達鎮撫河礪傳曰

汝等誠善射若不知學將焉用之遂 命擊及國光孝瞻講文

老等兵書謂世子曰汝生於宮中長於婦人之手不知細民之

事甚不可也須爰暨小人乃可 御札出題曰教世子文武之

道備嘗世法為上身嘗勞苦為中循途守轍為下即令宰樞等

製進○辛亥 御思政殿諸將及承旨等入侍設酌○忠勳府

有司堂上密山君朴仲孫來啓鄭昌孫之罪甚重請勿放 傳

曰昌孫功臣故放之仲孫再三啓請不允大司憲咸禹治持平

沈山甫司諫尹慈正言崔漢良等啓鄭昌孫既保性命雖終身

禁錮 上息亦已至矣今而速放無乃不可乎 傳昌孫曰既

為功臣其罪本無情實迨今未放猶為晚也勿復言禹治等請

之再三竟 不允○癸丑百官賀冬至又賀于 王世子 上御

勤政殿設冬至宴王世子與侍宴官日本國王使臣等入侍○丙辰

上以天氣甚寒慮役夫凍死 命罷大倉役○日本國關西路

九州都元帥源教直遣人來獻土物○己未御思政殿受常參

視事設酌二品以上入侍講宣傳官鎮撫部將等兵要○義禁

府鞠洪繼祖啓律應斬待時 命勿待時○庚申 御思政殿受

常參視事命二品以上入侍設酌 上謂禮曹判書李克培曰

名分不可不嚴昨日司饗院進膳雜用世子器皿甚不可若是

則父子同器君臣同器奴主同器矣名分何居與野人奚擇焉

世子尚且視膳事孰大於御膳乎其司饗別坐罪尤重焉當丁

寧告戒之○十二月辛酉朔正朝使柳守剛等先送事目于承

政院以啓有建州右等衛女直都指揮指揮卜花禿等各自

分投海西毛憐等衛勾引都督寧哈答等起五百人馬毛

憐等衛女直都指揮尚冬加等人馬五百卜花禿趙乃刺等五百人等共千五百人馬會同十二月十八日都到東北幹阿地面取齊二十四日從婆猪江進去搶朝鮮國人馬牛畜大殺一場出來到遼陽撫順所東北草河口入口到遼陽界上搶遼東人馬牛畜就去朝鮮國愛州江上搶截人馬回還分用○諭都體察使韓明澮咸吉道都觀察使康孝文曰同封傳寫正朝使先送事目看審○壬戌 御序賢亭閱陣內宗親及領議政申叔舟右贊成具致寬刑曹判書李克堪判漢城府事李石亨兵曹叅判奎國光刑曹叅判徐居正諸將承旨等入侍講兼藝文官及成均儒生等經書習讀官醫書○盜入豐儲倉偷米 命金國光率部將壯勇隊等搜捕○御扎傳旨禮曹曰自今宴享取旨然後殺牛馬羊○謝恩使盧叔全賫禮部發還人口咨回自大明咨主客清吏司案呈准錦衣衛鎮撫司手本天順六年九月二十日節該奉欽依南蘇等著使臣盧叔全等領回去衣服等件都與他欽此手本到司案呈到部隨據南蘇等告係朝

鮮國鎮撫軍人等職役為因本國採打船隻遭風漂流至山東
登州地面被捉解送赴京欽蒙著令本國差來陪臣認領回還
思得艱難天氣寒冷無衣服袴鞋口糧脚力過關勘合乞為給
賜應付等因查例具題天順六年九月二十五日本部尚書石
瑁等於西角門奏奉 聖旨是欽此除欽遵將南蘇等每人給
與胖襖袴鞋各一件隻及應付口糧脚力令盧叔全等帶領回
還外合行開咨知會施行又咨曰主客清吏司案呈准兵部職
方清吏司手本開鎮守遼東都知監左少監覃機等具本差人
伴送走回朝鮮國男子金干撒休等二名赴京奏送到司行該
都督同知季鐸等審得金干撒休等係朝鮮國義州民被建州女
直搶去脫走前來情願回還本國完任本部擬議合無將金干
撒休等給與朝鮮國陪臣盧叔全等領回本國完任具題天順
六年十月初一日太子少保兵部尚書馬昂等於西角門奏奉
聖旨是欽 此欽遵將金干撒休等二人付本國差來陪臣盧
叔全等領回外手本知會案呈到部照前事合行開咨知會

施行○癸亥命刑曹判書李克堪兵曹參判金國光等會承政院鞠豐儲倉米賊○甲子御思政殿受常參視事設酌二品以上入侍王世子進酒名書送官尹弼商李克基講孟子君子不以天下儉其親 上曰汝於此文得註外之意遂謂世子曰人君以天下奉一己故奢侈為易而崇儉為難古人以服澣衣為人君美德夫服澣衣何德之有然而以為美德者所以著崇儉之難也不知者曰田舍翁得此過矣以金銀珠玉華飾嬖妾肆其寵樂或與之荒湛于酒而不知民生之疾苦以至敗亡此乃醉生夢死耳何足道哉予本不好色欲飲酒則與汝及諸將相等相飲耳絕不與宮妾飲之此則汝所見也且予有昭容一人少女一人而已有罪則或因之誰敢與予言哉又賞罰不可少弛賞罰少弛則天下不可治矣昔韓昭侯蔽弊袴以待有功溫公書諸吏策夫袴之蔽也市井之徒尚且不為而溫公書之者所以重賞罰也須賞當其功罰當其罪方可爾宜存心焉仍命弼商等曰汝等當以予此言教誨世子俾勿忘焉又曰古有

初之易而後實難之語汝等知其意乎克基對曰堅凝之難殆此語也上曰然仍命陞職右贊成具致寬啓克基已受准職更不可陞加階為便 上曰若加階則無功不可也○乙丑 御思政殿召諸將設酌特 賜右贊成具致寬鞍具馬一匹傳于諸將曰汝等毋優游度日惟勤謹國事則予待之亦如致寬矣○鄭昌孫來肅拜命還給告身科田○傳旨義禁府曰內醫朴承傳醫治侍女終伊之病不勤其職以致病勢日深反以已愈啓達推劾以啓○丙寅內侍府職嘗汰正七品二員正八品三員至是 命復置○丁卯諭咸吉道都節制使康純曰卿今秩滿當適近以邊圉事多繁務非卿不可以專委姑煩卿仍任待寧靜即遞卿悉予意○以鄭昌孫為蓬原府院君洪元用江寧君李承明兼成均司成金禮蒙同知中樞院事江原道都觀察使李孝智行僉知中樞院事李誠長申自準僉知中樞院事崔漢卿僉知中樞院事忠清道觀察使崔士老兼知刑曹事李英耆行公州牧使金自行行星州牧使朴大孫行江陵大都護

府使○戊辰日暈○御思政殿受常參視事設酌臨瀛大君璆
永膺大君琰桂陽君璿翼峴君璉烏山君澍德城君敏銀山令
徹何城尉鄭顯祖班城尉姜子順右贊成具致寬左參贊李承
孫行僉知中樞院事李邊維林君李興商中樞院副使魚孝瞻
吏曹判書朴元亨戶曹判書曹錫文中樞院副使宋處寬行僉
知中樞院事梁誠之大司憲咸禹治承旨等入侍蓬原府院君
鄭昌孫江原道觀察使金禮蒙忠清道觀察使崔漢卿等來肅
拜皆引見慰諭昌孫曰卿因子誇世子之言而失對本無情實
即欲召還慮有朝議故未敢耳問禮蒙漢卿等治民之略先是
金澣以受根隨奴所贈司憲府劾之經赦猶不置禹治進酒
上召澣傳曰大司憲欲黜卿予以赦前特勿論卿其知之命昌
孫進酒執昌孫袖起舞諸宗宰亦起舞○遣戶曹參判鄭自濟
中樞院副使權軀如大明陳慰進香表曰昊天不弔奄秘慈儀
率土無依悉均哀慕真循中制少抑聖懷祭文曰思齊聖后克
配乾剛既嚴內治慈訓窅彰庶幾萬歲永享多福賓天何亟痛

均八極顧惟小邦優荷洪私伏聞訃音驚號曷其聊遣賤价
恭陳洞酌仰惟懿靈俯垂歆格○庚午世子宮成上與中宮
臨幸設落成宴王世子進酒遂行酒于侍宴諸宗親宰樞○癸
酉中樞院副使魚孝瞻以書啓曰今月初十日內宴臣飲酒太過
不省人事而出翌日尚未舉頭十二日出仕始聞其日臣與女
妓對舞事因念臣醉酒迷亂乃於闕內無上啟而輒自起立
對妓戲舞非惟自失威儀越禮無狀臣罪極矣臣不勝慚懼之
至願待罪于家御札紙尾曰子猶樂笑何罪之有會須復觀
○甲戌日本國使僧順惠等辭就付回荅書契曰使至承惠書
待審起居康裕兼受厚貺欣感殊深前者遣使修好不幸中遭
颶風竟未能達予甚傷焉聞殿下命諸島廣搜寧不感荷所索
大截經銅錢不腆土宜就付來使具如別幅冀領納但銅錢非
本國所用不多為愧爾且獼猴宜馬不產本國若有來船付惠
為幸臘天寒甚順時自重不宣別幅大截經一部函具鉅錢一
千五百貫白細綿紬二十四匹白細紵布二十四匹黑細麻布二十

匹虎皮邊豹皮坐子一事鞍子一面諸緣具虎皮一十張豹皮一十張藍斜皮一十張滿花席一十張滿花方席一十張雜彩花席一十張人參一百觔松子五百觔清蜜二十斗麝香四臍白鵝二雙白鴨二雙○乙亥 御康寧殿設酌內宗親及蓬原府院君鄭昌孫領議政申叔舟右贊成具致寬判中樞院事洪允成中樞院使崔恒戶曹判書曹錫文行僉知中樞院事李邊吏曹參判韓繼禧藝文提學李承召兵曹參判金國光中樞院使尹士昕行上護軍金溉行護軍曹變安承旨等入侍講成均館儒生經書○丁丑馳書于都體察使韓明澮曰依卿所啓以道宗智為知軍官宗智知碧潼郡事時所犯真偽以卿所聞回啓○戊寅司憲府啓有人以紙一封投府庭開緘視之則蔚山郡事孫孝胤餽食物於左叅贊朴仲孫禮曹判書李克培慶請遞任事也其人則未及即捕請鞫孝胤 從之○戶曹啓正統二年六月日受教凡立後者一應家事皆如已子為所生父母降服請將率左贊成李孟昫科田適給立後子李保基且自全功

臣田別賜田科田遙給立後人事并載大典 從之○已卯上

弗豫○庚辰承政院問安○先是義禁府鞫朴 啓律應斬

待時 免之承政院啓朴軍罪當死然其情理甚可憎且雖

待時今乃行刑之時若判下則即當刑矣 命覆啓至是命保

放○都體察使韓明澮馳啓平安道都節制使金師禹得病承

政院奉旨馳書曰今送藥材以卿帶去醫負車孟康依證救療

○壬午慶尚道都觀察使權愷進死白雉○遣戶曹參判柳子

煥仁壽府尹田桐生如大明謝恩表曰帝德丕冒庸瀆懷綏宸

眷偏隆曷勝銘佩矢心圖報粉身難忘伏念臣猥將孱資邈居

敝壤顧乏絲毫之効叨承卯翼之私何期賤价之旋荐荷睿恩

之渥海卒遭颶幸依山東邊氓被俘得走遼左曲軫收護並許

帶回父老驚茲愛而真妻孥感糞骨而肉事光編簡喜溢提封

茲蓋伏遇 皇帝陛下度廓包荒仁敦柔遠保萬民如赤子視

四表猶一家遂令遐陬特蒙洪造臣謹當益虔釐東之職永作

漢藩恒輸拱北之誠倍伸華祝方物表曰天心至仁曲加矜育土

甚勤聊表謝忱謹備黃細苧布二十匹白細苧布二十匹黑細
麻布五十匹黃花席一十五張滿花席一十五張滿花方席一
十五張雜彩花席一十五張人參一百觔右件物等製造匪精
名般不腆冀諒由中之悃俯容享上之儀無進文魚一千尾兔
鶉二連黃鷹一十連中宮禮物紅細苧布一十匹白細苧布一
十匹黑細麻布三十匹箋曰望尊元良密禪神化心敦博愛導
需皇恩糜粉何酬感激罔措伏念臣幸際熙運叨守荒陬曾靡
效於蕃宣乃偏蒙於撫育憐漂泊之海卒特許發還恤俘虜之
邊民亦俾安集奚止一家之慶悉均三韓之歡茲蓋伏遇皇大
子殿下德著淵冲功專翼亮諒微臣事大之懇體上聖字小之
仁遂令庸資獲紆殊眷臣謹當歌載慶於重潤壽倍祝於千齡
禮物白細苧布一十匹黑細麻布三十匹滿花席一十張雜彩
花席一十張人參五十觔○遣知司譯院事金自海管押被擄
唐人楊職解赴遼東○癸未日暈○諭咸吉道都節制使康純
曰前者諭以城底住兀良哈及刷還擄去人兀良哈等有欲上

京者約其從者上送今審卿書必中間留滯卿其知悉○右贊
成具致寬詣賓廳問安 傳曰予瀕死復蘇而無一人問安者
今卿來予甚喜悅予謂若飲卿家酒則予病即痊致寬伏地垂
泣啓曰臣未聞 上體未寧但近者久不視事臣詣闕始得聞
焉 命中官往致寬家取酒使之進酒賜致寬豹皮阿多介一
事燒酒五瓶生鹿一口○領議政申叔舟問安 傳曰予晝夜
并三日甚劇平生無如此病今已向愈仍問曰兀良哈約其從
者上送事已下諭咸吉道無乃明春督至妨農乎叔舟啓曰居
城底者本少且農時則自不來矣○甲申議政府遣檢詳尹孝
孫問安○左議政權學問安賜議政府堂上豹皮阿多介各一
坐○中部慶幸坊住檢注簿林自正妻一產三男賜米十石○
乙酉吏曹啓曾下傳旨云加設大殿司鑰遼兒從七品一別監
小親侍遼兒從八品一中官世子宮別監小親侍遼兒從九品
一改大殿書房色中官司鑰遼兒八品為從七品世子宮司鑰
遼兒五品二為從八品汰其一又汰大殿別監小親侍兒遼七

品一世子宮別監小親侍適兒八品一請定其職名大殿司鑰
從七品一稱典僕郎掖庭署謁者別監小親侍從八品一稱典
引郎掖庭署左班殿直中宮別監小親侍稱奉事郎掖庭署內
班從事大殿書房色中宮司鑰從七品稱典僕郎掖庭署謁者
世子宮司鑰從八品一稱典引郎仁順府謁者從之○延昌尉
安孟聃卒輟朝二日賜米豆并九十石正布七十匹紙二百卷
謚良孝温良好樂良慈惠愛親孝孟聃尚 世宗女貞懿公主
封竹城君後改延昌嘗酒成疾絕朝謁在 世宗朝嘗招致飲
客 上問延昌誰與崇飲飲客聞之懼不復往○丙戌 御札
傳旨刑曹曰設官賞罰務要合情善勸惡懲國家大機一有不
正本末倒置大抵有罪者不可不得其情而罪之故下有司推
劾今有司一切拘於舊弊專不分揀雖灼知其情務欲苟合傳
旨抑勒取招歸怨於上而解說於下甚無意謂此中憲府尤甚
凡推劾之事以苛刻為賢曰本府之法固然是則不知無憲府
自今因循不革者予必痛懲曉諭中外○以柳子煥為箕城君

任元濬戶曹參判○丁亥日暈○上以五行圍碁鷹鷂圖入譜
外篇 命韓繼禧任元濬製五行圍碁法再三修改猶未當
上即下筆曰圍碁乃立極五行子相擊挾打圍積畫取極能事
畢局路八十一義掛數配極乃示繼禧等歎服其神 命註解
印之○都體察使韓明澮據滿浦鎮節制使趙繼宗呈馳啓兀
良哈古納哈將父滿住書來告曰我等特蒙上恩誠心効力前
者趙三波李權赤浪巨具童甫阿土再犯邊父令弟豆里馳報
禁制管下人使不得黨惡若大國發兵致討則請啓殿下勿迎
擊我等更加憐恤臣以曾降諭書事意及覆曉諭古納哈扣頭
曰大人之言然矣我等曾欲刷還然三波等非我管下不從吾
言更與童倉盡心刷還滿住書則無解野人文字者監對上選
命通事譯之其書契曰永樂二十年太宗皇帝諭父於許乙主
曰達達侵擾汝是皇親若被擄則名譽不美汝可移居蒲州地
朕當諭朝鮮國王永樂二十二年移住宣德七年火刺温兀狄
哈毛都古入寇大國宣德八年四月十九日大國發兵七道入

攻盡殺父子兄弟妻子擄六十四口後乃遣還滿住猶不敢報
移居開元遼東近地達達之兵侵中國又侵我等我還蒲州江
天順五年趙三波奏于皇帝曰叔父浪孛兒罕無罪被殺于朝
鮮要欲報復 帝為止之又曰今上撫恤小人之子特授高職
賜之鞍馬報恩無路祇欲真心効力即回諭明澮曰古納哈等
若又來語之曰汝雖陳情亦無利害憐汝小汝故置之怒汝憎
汝則征之在我所為無干於汝且汝陳情何晚耶孛兒罕今朝
死乎征與不征在我生與死也在汝如或又迷必有速寤矣古
納哈豆里等頻頻告變向國有効須厚待異於他○戊子日暈
○承政院奉旨馳書于成吉道觀察使康孝文曰今進瓜魚封
署分明而無二十尾是必計數封裏後不即收藏因而失之也
如此則不惟失之雖雜不潔之物卿亦不知卿審此意更加謹
慎○己丑禮曹啓正朝望闕賀禮事 傳曰前此予不親行望
闕禮則百官獨行之甚不可自今予不親行則百官亦勿行○
司憲府啓前碧潼郡事成以乾趙宗智等罪犯貪污雖經赦不

可不懲故啟請更劾宗智則已諭體察使韓明澮下其真偽以
乾則命勿鞠臣等思之以乾監臨自盜若經赦不劾則無以懲
惡請收告身其贓物沒官 從之

世祖惠莊大王實錄卷第二十九

(B)
732.55
4724
[v.7]
no.10
0163747

昭和五年十月五日印刷
昭和五年十月十日發行

(景李朝實錄太白山本)

京城帝國大學法文學部

京城府蓬萊町三丁目六十二番地

印刷所 朝鮮印刷株式會社

(B)
732.55
4724
[v.7]
no.10